

LENQOSA LA MANTSIBOEA

 Ke le leboha, haholo. Morena a le hlohonolofatse.
Le ka lula fatše.

² Mora oa ka o ne a tsohile kajeno, 'me a re, "Ntate, ekare re ka be re bone kereke eane pele re qala ho haha ea rona, ke sebaka se setle hakana." 'Me a bua ka hoo... Ho re, "Ha ke eso kopane le moreri le joale, empa haeba e le motho ea lokileng joaloka mohatsae, ruri ke motho ea lokileng." Kahoo re thabela ho ba mona.

³ 'Me ke—ke shebeletse e—e kopano ea bosiung bona, hore Molimo o tšollele mahlohonolo a Oona holim'a rona le ho re thusa.

⁴ Joale re a... Ke sa tsoa kena, 'me ka utloa Moena Williams, Ke a kholoa, ho builoe taba ka ho ba Ramada. 'Me ke a kholoa litsebiso li se li entsoe, ka seo. Ka tloaelo ba e hlokomela pele ke kena. 'Me ruri re lebelletse nako e monate tlase sebokeng. 'Me kabelo ea ka mona e batla e le ho potoloha le ho kopana le baena le ho kenela setsoalle har'a batho, le ho rapela Molimo ho re fa e—e phuluho e loketseng, 'me ke moo re ka kenang hantle ka har'a Ramada kopanong e kholo. 'Me ka hona re leka ho etela likereke tsohle ha ho khoneha, ho fihlela nakong eo. 'Me re kenetse nako e monate. Ruri re kenetse nako e monate ea botsoalle le baena ba rōna.

⁵ 'Me ka tloaelo ke a... Mang kapa mang oa tseba hore ha ke moreri, ke batla ke le thaere e emang sekheong feela. Empa ke—ke... Tšebeletso ea ka ke ho rapella bakuli. 'Me ke... Esale re petahane masiu, le lintho, o fihlela re batla re sa fumane sebaka se lekaneng ho etsa joalo. 'Me re tla leka haeba re... ha re kena libakeng moo re ka khonang, ka mona, ho aba litlankana tse 'maloa le ho kenya batho le ho ba rapella. Empa ho tšoara kopano ea bosi bo le bong ka nako, seo u sa se finyelleng bosiung bona 'me ba ntso ba petahanya tulong e itseng bosiung bo latelang, le morao koana sebakeng se seng, ka mokhoa o joalo ke mpa feela ke hlahisa e—e lethoana—e puonyana bosi bo bong le bo bong molemong oa batho, le ka bokhoni boo nka bo khonang joalo ho... nqa tlotla le khanya ea Jesu Kreste, le ho Eo bohole re mo ratang le ho lumela, le kopano ea rona 'moho.

⁶ Ke a kholoa le utloetse ka kotsi eo koung, metsotsoana e 'maloa e fetileng. Ha ke tsebe haeba monna eo a shoele, kapa le hore e ne e le mang, koloi e ile ea phunyeletsa. Ra emisa feela, polelo ea thapelo feela, metsotsoaneng e 'maloa e fetileng. Liboloko tse ka bang peli ka holimo mona motho o thutsoe mahlakoreng a lahleloa kathōko a sutuletsoa holimo koana seterateng. 'Me kantle mono ho ne ho khurumelitsoe motho ea

lithohali. 'Me mapolesa a ile a fihla, empa ha ke hopole amalanse e ne e se e ile ea fihla mono. Ba tlameha...Haeba ho sa shoa letho, ruri e ne e le...Ho thuloa ka lehlakoreng *lena* le ho lahleloa hole koana ho phorotseha ka monyako o ka lephakong le leng, e tlamehile ebe e bile ka sekhahla se tšabehang. Úa tseba, feelsa ke...

⁷ Re tšoanela ho sebeletsa Molimo motsotsa o mong le o mong. Ha re tsebe nako efe—ha re tsebe mohla lintho tseo li ka etsahalang. Koana ha re nahane e ka ba rona, empa u a tseba ho ka ba joalo, u a tseba. Ka hona, ke kholoa Jesu a itse, "Itokiseng," hoba ha re tsebe motsotsa kapa hora eo re ka bitsoang ka eona. 'Me joale re tla ea moo ba sa hlaheloeng ke likotsi, 'me mathata ha a fumanoe. Re thabile haholo ha sebaka se joalo se le teng tšepisong.

⁸ Le a tseba, oona mohopoloo oo, bosiung bona, oa—oa ho bona seo re se re labalabela sebaka se joalo, hoo ho supa sebaka se joalo se le teng. Le a bona? 'Me re a tseba hore dineketifi tsohle, liriti tsohle, e teng ntho e tlamehang ho akhela seriti. Seriti ke khalimiso. ka baka leo haeba bophelo bo kang bona bo le teng, bo paka hore ke seriti, bo halimisa ke hona bophelo ba sebele kae-kae. Le a bona? Ha u sheba sefate, kamoo sefate se leng setle kateng. 'Me le a tseba sona ke'ng? Ke papiso ka neketifi, seriti, ea Sefate sa Bophelo Leholidong.

⁹ Joale, le a tseba, mohla Molimo o neng o fihla lefatšeng, mohla O neng o fuama lefatše tšimolohong, ha re re ntho ea pele e hlahileng e ne e le e—e hlapisehoho, kamoo boramahlale ba lekang ho bolela. Ntho e latelang e ka ba e ne e le ntho e itseng...Ke lumela thutong ea makhonthe ea phetohobutle ea Bokreste, empa ha ke lumele ntho eohle e tsoa seleng e le 'ngoe. Ke e lumela feelsa...Molimo o entse hlapisehoho, 'me Oa ntoo etsa hlapo, eaba O etsa ho hong hosele. 'Me feelsa...Ke lumela e nyolohela holimo, e seng ka sele e le 'ngoe, empa ke sebopuoaa se fapaneng ka linako tsohle.

¹⁰ 'Me qetellong Oa lula o tsoelapele, ho nyolohela mofuteng o holingoana, 'me ka mora nakoana ea halimisa Ea mofuami, eena e ne e le Molimo. Joale, ho paka hoba hoo ho nepahetse, mohla Molimo o neng o etsoa nama e ne e le Jesu Kreste, motho. Le a bona? Ka hona, e seng Lengeloi, motho. Ka hona e itsupa e ne e halimisa Eena.

¹¹ 'Me, oh, Bibele ena ea khale e katiloe likaqa tseo tsa khale tse tlotlehang. Ke mpa feelsa...Ke mpa ke rata ho rafa (lona ha le rate na?) le ho kena ka mono feelsa le ho E phophotha lerole lohle, le ho E sheba le ho bona seo E leng sona. Kamoo mahakoe, lona batho le a tseba mona Arizona, mahakoe a maholo a tsoa leroleng la lefatše. A tsoa hona moo. 'Me mahakoe a Molimo a tsoa leroleng, le ona. 'Me Eena...Re thabile haholo ha O re fa

monyetla oa ho kena tšekisong ea Oona e khōlō, 'me ho ntšoa manya ohle.

¹² Na le a tseba ba ne ba e sebetsa joang? Ehlide, lona batho ba Arizona le a tseba mokhoa... pele ba sibolla seqhibilisi, kamoo ba neng ba tšekisa gauta. Ha re bolelloa ba ne ba tšoara gauta 'me ba e batolaka. Ma-India a khale a ne a tloaetse joalo, ho e batolaka. Le ho e phethola feela, le hoe otla le ho e otla, ho fihlela manya kaofela a phorotsehile ho eona. 'Me kamoo ba tsebileng hoba tsohle li tsoile (paeraete eohle le linyee tse ho eona, hoo hohle), ba tsebile joang, ea otlang o bone khalimiso ea hae ho eona, o khonnne ho ipona. A tseba ke hona hobane e a hlaka, ha e halimisa setšoantšo sa hae.

¹³ 'Me, le a tseba, ke hopola Molimo o batla ho sebetsa Kereke ea Oona joalo, ho batolaka lefatše lohle ho fihlela khalimiso ea Jesu Kreste e phela ho e mong le e mong oa rona 'me re halimisa Bophelo ba Hae. Ke mohla re tla beng re loketse Eena... O Ikhalmisa ka rona lekhatheng leo, ha re fumana... ho lahlela boima bo bong le bo bong le sebe se re tšoasang feela, re tle re mathe ka mamello lephallong leo re le behetsoeng pel'a rona, re ntse re talimile Mohlala, Mothei le Mophethi oa Tumelo ea rona, Jesu Kreste. Ke thabile haholo ka Seo!

¹⁴ Joale, ka tloaelo ke re bosiu bo bong le bo bong... Ke boleletse Moena Carl Williams, ka re, "Moena Carl, batho bao ha ba sa batla ho nkutloa hape, holimo le tlase liphuleng tseo, ka baka la ho ba tšoarfella lihora tse peli kapa tse tharo bosiu."

A re, "Be, be, tloo hantle."

¹⁵ Ke leboha mamello ea lona ho—ho ntaetsa hape. 'Me joale bosiu bo bong le bo bong...

¹⁶ Ke buile le mohatsa ka nakoana e fetileng, tlase... O koana Tucson joale, 'me ka re, "Boso bo joang?"

¹⁷ A re, "Ho ntse ho futhumala." 'Me a re, "A na u khemisana le lenane ka thello?"

Ka re, "Hantle feela, ho ella ho leshome kapa leshome le motso o mong bosiu bo bong le bo bong."

¹⁸ Ka re ho eena, "Ke tla phomola ha ke tsoa ke kenela kopanonyana ena Arizona khetlong lena. Ke tla etela likereke tseo, baena bao. Nke ke ka ahlola batho bao, ke tla kena ka mono feela 'me ke tla lumella 'mino ho tsoelapele, jubilee. Ke tlil'o ithalla moeli, ho ngotla lintlha tsa ka ho isa metsotsa e ka ba leshome le metso e mehlano, mashome a mabeli ho re 'Amen' le ho ea lapeng."

A re, "A na u tšoere nako?"

¹⁹ Ka re, "E, ratu, ke teng; lanane-tsamaiso la tloaelo, ho isa ho lihora tse tharo." Ke batho ba lokileng haholo; mamello e ngata.

²⁰ Be, ha re inamiseng lihloho tsa rona nakoana joale re sa Mo atamela. Joale, ke khotsoe hobane letšoeleng le letle hakana la batho ba lumelang, 'me haholoholo... Ke bona mealo e 'meli e robetse mona, batho ba kulang le ba hlokang, ke a tseba ba kakatletse likopo tseikhethang. Ha ho pelaelo bongata bo kakatletse likopo tsena. Haeba ho le joalo, phahamisang matsoho a lona feela le e tsebise ka ho phahamisa letsoho la lona. 'Me joale thapeleng ke tla tloha ho rapella batho bana ba mealong ena, ka nako—ka nako re sa le mona, ho kholiseha ho e finyella. Ha ntho e ka etsahala... Ba tsepahetse ho lekaneng ho kenngoa ka mona, ke batla bohole le rapele le 'na 'moho.

²¹ Ntate oa rona ea Maholimong, re suthisetsa mohopolo o mong le o mong thoko, ho hloekisa likelello tsa rona, 'me re kena ka pel'a Sefahleho sa Hau ho hloekisoa meeaa. 'Me re nkile ka pel'a rona Mali a Morena Jesu. Re ipolela re sa lokeloe ke leseho lefe leo U ka re abelang lona, empa O shoele hore re tle re fumane mahlohonolo ana, le ho re bolella ho atamela Terone ka sebete, re tle re finyelle mahlohonolo ana ka mohau oa Morena oa rona Jesu, Ea t̄ileng lefatšeng, Emmanuel, le ho nka sebaka sa moetsalibe. A fetoha *rona*, oh, re tle re fetoha *Eena*.

²² Phapanyetsano e kakang eo, Morena! Bophelo ba rona ba sebe, athe bo ne bo habile liheleng, le ho tseba hoba e Mong o t̄ile a Ipelesa bophelo boo, le ho hlatsoa libe tsa rona ka Mali a t̄solotsoeng a Bophelo ba Hae ka Sebele. Lipelo tsa rona ha li khone le ho e hakanya, Morena. 'Me hape, kathoko ho tseo tsohle, O betlike tsela ea ho tlosa bokhopo ba rona le ho re folisa ka maqeba a Hae. Re leboha ha e le moo A t̄sepisitse A tla re baballa re koenne mehleng ha re ntse re Mo sebeletsa.

²³ 'Me joale bosiusing bona, Ntate, likopo li ngata... ba phahamisitse matsoho a bona. Re a tseba U tla hlokomela e 'ngoe le e 'ngoe ea tsona, ho tseba se tlas'a letsoho, ka pelong.

²⁴ 'Me ke a kopa, Morena, U tle u hopole Lentsoe bosiusing bona re sa Le bala; le ho Le thuisa joaloka thutonyana, e kang sekolo sa Sontaha, re tle re tlohe mona bosiusing bona 'me—'me re boloke sena lipelong tsa rona, ho ikutloa re tla be re U atametse haufi, ha re tsoa, ho feta ha re ne re kena. Ke morero oa rona, e tle e futhe tsoselsetso naaha bophara, ha re tsebe mohla e tla qala, empa ka litebelo re e shebeletse, Morena. Re etsa boiteko bohole ba motho boo re bo tsebang ho futha tsoselsetso e isang banna le basali, bashanyana le banana, tsebong e pholosang ea Kreste.

²⁵ Re batla ho U leboha ka kereke ena, ka molisa oa eona ea khabane le ka lelapa la hae, le ka batikone bohole, literaseti, le ka tsohle tseo e li emelang. Re U leboha ka bao ba sebete ho ema. 'Me, Morena, re rapella mahlohonolo a Molimo ho phomola holim'a bona. Hlohonolofatsa boiteko bohole. Bona e ke e be boemelo, Morena, moo phula eohle e leng mona e ka kenang teng 'me ea fumana phomolo. Aba sena, Ntate. Lithapelo tsa molisa

li arabelloe bakuli. Lithapelo tsa hae li arabelloe pholoso, ho bohole ba kenang—selikeng sa Evangel. Mahlohonolo a Hau a lule holim'a hae. 'Me kereke e se haelloe ke neo ea moea, e be nqalo, kereke e leng mohlala ho sechaba sohle. Aba sena, Morena.

²⁶ Joale, Ntate, holim'a mealo ena mona bosiung bona ho robetse, ba sa khoneng ho lula le ho thabela seboka, ke ba tingoeng tokelo ena. 'Me ba tlisitsoe mona ba jeroe ka mokhoa, bosiung bona. Oho Molimo, hauhela! Ke a nahana, "Ho ka thoeng holane e ne e le mohatsa ka kapa moena oa ka, kapa motho oa leloko, eo ke mo tsebang hantle?" Ke leloko la motho e mong, 'me ke a rapela, Ntate, mohau oa Molimo, ka matla a Hae, ho inamela teng ka topollo e Halalelang ho bona bosiung bona, le ho ba loela mealong ena. Ba se hlole ba lula mealong ena halelele ho tlola kopano ena ea bosiu bona. E tle re, ha ba tloha, mealo e sale. Matla, a tsositseng Jesu bafung, a tsosetse mebele ea bona bophelong bo bocha le matleng hape. Aba sena, Ntata rona. Joale, re a tseba U tsepisitse ho e phethisa.

²⁷ Ka baka leo, ho ngoliloe Mangolong, "Mehlolo e tla tsamaea le ba lumelang ke eona ena. Ekareha ba beha bakuli matsoho, ba tla fola."

²⁸ Joale, Ntate, ho ka tshoa ho se motho ea haufi le bona, athe ba bang ba ka fihlelana, ke tla theoha sehopotsong sa taelo ena. 'Me, Molimo, ke tla emela lengolo le tsoang ho bona, le reng e phethiloe, hobane ke ea teng ka Lebitso la Jesu Kreste.

²⁹ [Moena Branham o tloha kalaneng metsotso e meraro le halofo ho rapella ba mealong, mantsoe a hae ha a utloahale—Mong.]

Morena, ke a lumela, Morena, ke a lumela,
Tsohle li lokile, Morena, ke a lumela;
Morena, ke a lumela, Morena, ke a lumela,
Tsohle li lokile, Morena, ke a lumela.

³⁰ Ha e le moo maleiti a mabeli a ne a hlahile mathopa, le leng e le mofetše, 'me nka hlahisa bopakinyana bona kapele, ha nka tlameha ho khaola puo ea ka hakhatšoane. Pejana ke tloha lapeng, ketsahalo ea ho qetela pele ke tloha, e ne e le khang e ikhethang, e ne le leleiti le bitsoang Dyer; eena, ke lebala lebitso la hae joale. E ne e le Ngaka Dyer, ea tsoang Louisville. James, Ngaka James Dyer, setsebi sa mathopa, le joalo-joalo, Louisville.

³¹ Morali oa hae o ne a letsa piano kerekeng ea The Open Door, Ngaka Cauble ke molisa teng; feela, oh, sinagoge e kholohali, ea khale ea Bajuda. 'Me monna e le setho sa Church of Christ, mokhatlo oa Church of Christ, 'me a sokolleoa ho lumela evangeli e leng Evangeli e tletseng, monna ea khabane haholo. 'Me o ne a letsa kopanong ea ka mohla ke e tšoereng Louisville, Memorial Auditorium. 'Me a makala ho bona se hlahileng, le ho leka ho bolella ntatae ka eona.

³² A re, “Ke saek’holoji feela. Batho bao ba kula joalo ka mehleng.” ’Me, ka hona—ka hona o ne a sa E lumele.

³³ Qetellong a khoisoa kerekeng, a nyaloa ke moshanyana ea tsoang seminareng ea Baptise, ’me qetellong a tela tumelo ea hae. O ne a koetliselitsoe ho ba moreri, etsoe Mabaptise a e sebetsa joalo. ’Me ka hona bao . . . Qetellong a tloha, a se a sa batle ho rera. ’Me ba fallela bathong ba habo Rockford, Illinois.

³⁴ Qetellong eena, Jean, a qala a hlaseloa ke bothata ba bosali. A tloha ho hlahlojoa ke ntatae, a khutlela Louisville ho ea hlahlojoa. ’Me, ha ba entse joalo, ba fumana ho bitsoang “hlahala e chokolete,” kahara litšoolesa tsa bosali. Ha e tlosoa, ntatae, karong ea sehlooho, o tlamehile a be a ile a hasakanya e—e hlahala ka ho eena. ’Me qetellong . . . ’Me ba mo fetisa ekesereing e tebileng le—le kalafong.

³⁵ ’Me joale eitseha ba . . . ha a khutlela lapeng, a tsoela pele ho ba le mathata.

³⁶ Ha e batlie ho ba selemo hamorao ba mo khutlisetsa tlhahlobo e ’ngoe, ’me ba monya mali ka botlalo. ’Me ha ho etsoa joalo, ntafe, ’moho le Ngaka Humes, e leng e ’ngoe ea lingaka tse kholo tsa Boroa, ea etsa karo, ’me o se o jele setsi haholo, mofetše o se o ikharike ka colon. Eaba ba mo siea mono nakoana. Eaba o leka likalafo tsa ekeserei hape, ’me ba e bona e sa thusetho, ba mo khutlisetsa kokelong ho ea . . . Ba se ba sa khone ho mo noesa ntho e lokollang mala, eaba ba leka ho mo hlatsoa ka enema. ’Me ha fihla moo metsi a seng a sa batle ho kena maleng.

³⁷ Kahoo monna oa hae e batla e le e mong oa basomi ba ka. ’Me joale qetellong letsatsi le leng a theohela mono a nka buka ’me a qala a e bala. (’Me mora oa ka mona le Moena Sothmann, ke e mong oa literaseti, o teng mona kae-kae.) ’Me a robala feela methating ea menyako ea kereke, khele, matsatsi a ’maloa, ho fihlela . . . eaba ke—ke tlohile ho ea kopanong. Ho khutleng ka—ka tloha ho ea ’mona. ’Me a mpolella, ho re, “Joale, ha a tsebe hoba o jeoa ke mofetše.” Ho re, “E-ea feela u bue le eena ’me u rapele le eena.”

³⁸ ’Me eitseha ke ’mona, a re, “Moena Branham,” a re, “monna oa ka o til’o amohela pholiso e Halalelang,” ho re, “hobane ke ne ke sa khone ho mo shebisa e ’ngoe ea libuka, hona joale o mpalla leqephe ka mora leqephe letsatsi le leng le leng, e ’ngoe ea libuka.”

³⁹ ’Me ka re, “Ha ke utloisia, Jean.” ’Me ka re, “Joale, Jean, ha re bueng ’me re bone seo Morena a tla se bolela.” Ho se motho ka phaposing, mooki o ile a tloha a ikela. ’Me ka hona ra bua nakoana, ’me ka mora nakoana ha hlaha pono. Ke . . . O batla a le lilemo li mashome a mane, ha a eso pulufale, feela o ne a holile haholo ’me a le moputsoa. Ka re, “Jean, joale, u kile oa etela likopano.”

“E, Moena Branham.”

⁴⁰ Ka re, “Ba u patetse eona, ’me ba itse ke se e bue, empa u jeoja ke mofetše.” ’Me ka re, “Ntate oa hau le . . . Kapa monna oa hau o itse, ‘U se ke ua bua letho ka eona.’ Empa u na le mofetše, Jean. Empa, joale, ke batla ho u bolella, hobane u kile oa etela likopano. Pono ha e eso hlollehe le ka mohla. Joale ke tla u bolella, Jean, ke HO RIALO MORENA! U a bona?” Le a bona?

⁴¹ Joale, u batla ho kholiseha ruri ka eona, le a bona, hore e . . . hore ke Morena. Ha se maikutlo; u a e *bona*. Le a bona?

’Me eaba ke re, “U tla phela. Ba a . . . Eena . . .”

⁴² A re, “Moena Branham, esale ke belaetse nako eohle.” ’Me a re, “Ke holetse lapeng leo ntate e leng ngaka,” ho re, “ke—ke—ke ne ke e belaela.” Ho re, “Esale ke e nahanne nako eohle, e ne e le eona hantle feela.” Re ile ra rapela.

⁴³ Letsatsi le hlahlamang, letsatsi labobeli ka mora moo, ba tla mo isa hlahlobong ea colostomy. Eona, le a tseba, ba seha lela ba ntoo hokela khetsana lephakong ’me mokuli o mpa feela . . . ho fihlela ba e-shoa, qetellong ba bolaoa ke mofetše, ho khokhothela mala khetsaneng. ’Me hang feela hoba ba mo hlophise, ’me ba lophiselitse tafole karo, a arubetsoa ke maikutlo a hlollang. ’Me bona . . . a bitsa mooki ho tla mo thusa ho ea e—e ntloaneng. ’Me, hoba a etse, a li fetisa ka bottlalo ka tloaelo. ’Me e—e monna oa hae a sa ka a e utloisisa. ’Me letsatsi labobeli . . . Ha ba ka ba mo nyolla. Letsatsi la bobeli, ka tloaelo, hang ka mora lijo tsa hoseng, a li fetisa hape ka bottlalo ka tloaelo. Kahoo a . . .

⁴⁴ Ngaka ea hae ea mo letsetsa. Lipakeng a ntse a lla ’me a habea, a re, “Ke mpa ke sa utloisise feela, ha re fumane le letšoao la eona ho hang. E nyametse.”

⁴⁵ Joale, joale, likhaiseli tsa ka tse theko e thata, ha ke na lebaka la ho ema mona joaloka mohlanka oa Kreste ho bua ntho e phoso, hobane nka ahloloa ka tsatsi lela, ke be mokhesuo, le joaloka moikaketsi.

⁴⁶ Joale, ka Lentsoe la Molimo le phetliloeng, ke sa tsoa rapella Jean hape ka botšepehi bo sa feteng kamoo ke le etselitseng, le a bona. Eaba re khokhothela thakhisa eo, ka ho tseba ho rapetsoe thapelo ea tumelo. E qeta ntho hona moo. Lentsoe la Molimo le boletse joalo, le a bona, “Thapelo ea tumelo e tla pholosa mobabi.”

⁴⁷ Joale, oona Molimo o folisitseng morali oa Ngaka Dyer, e leng Jean . . . Ha ke tsebe lebitso la hae hona joale. Empa ruri monna eo o sikile Evangeli e tletseng. Thero ea ho qetela kerekeng, o ne a lutse hantle mono a e monya kaofela, a ja selallo le rona, le ntho efe ese, moithuti oa Baptise o ne a tlide ho Morena ho kolobetsoa ka Moea o Halalelang. Joale, hoo ho supa feela hoba Molimo o sa ntse o lutse e le Molimo.

⁴⁸ ’Me ngaka, ntatae, monna ea ratehang, feela a eso bone ntho e kang eo e etsahala.

⁴⁹ Joale, Molimo o laoletse lintho tsohle nako. 'Me ho tloha tumelong, le balumeli 'moho. Makhetlo a mang lintho tsena li hlaha molemong. Le a tseba, Bibele e boletse, "Li sebetsa hammoho molemong."

⁵⁰ Joale, hopolang Jobo, liteko tsohle tsa hae? Joale, e ne e se Molimo o laeang Jobo, empa e ne e le Molimo o chaellang mohlanka oa Oona. Kahoo ntho eohle e sebelitse molemong, le a bona. 'Me eaba Buka ea Jobo e ngolloa meloko eohle, e le bopaki. Joale, Molimo o e sebelisetsa molemong.

⁵¹ Hopolang feela, ke rapetse, ka pelo ea ka eohle, thapelo ea tumelo. Le e lumele, 'me teng, e tla etsahala, e tla be e le phetho, le mpe—le mpe le shebelle liphetho.

⁵² Joale, ho kena ka kotloloho e—e molaetseng, (bongata boeme), molaetsanyana oa mantsiboea.

⁵³ 'Me—'me le hopole feela joale, koana e—e Ramada, khetlong lena ho tla fihla libui tse ling tse ntle haholo sebokeng sena sa Ramada, Banna Borakhoebo, ka hona le . . . tlase koana Ramada. Le etse bonneta ho leka ho etela seboka sena. Moena Oral Roberts o tla fihla bosiung ba mokete oa lijo.

⁵⁴ 'Me, joale, ke batla ke le karoloana ea Tucson, ke tlil'o emela lehlakore la Tucson. Re fumana bo le bong tlase mono, hape, Mantaha o tlang bosiu, ha u ka tsoha u le tikolohong eo, le uena u theohe. 'Me le tla tlameha . . . le ka 'mamella nakoana, hoba eo ke tlameha ho e bua. Kahoo ha le khona le ka theoha Labobeli le tlang . . . Mantaha o tlang bosiu mane Ramada Motel, Ramada Inn, Tucson. 'Me, ehlide, bohole re a tseba Phoenix ke motsemabapi oa Tucson. Bohle re tseba seo, le a bona, ka hona—ka hona, ho theoha le ho bona bophelo ba batho ba thabeng.

⁵⁵ Joale ha re phetleng Libibeleng tsa rōna ho Zakaria 14, khaolo ea 6 le ea 7, Ke lakatsa ho balla e . . . ho rala mona lethoana la temana eo ke lakatsang ho e qotsa.

*Ka lona letsatsi leo, leseli le ke ke la hlaka, leha e le
ho ba bosiu:*

*Empa e tla ba letsatsi le le 'notši le tsebjoang ke
MORENA, le ke ke la eba le nyene, leha e le bosiu: empa
nakong ea mantsiboea, ka ho leseli le tla ba teng.*

⁵⁶ Joale ke lakatsa ho hula mona, *Lenqosa La Mantsiboea*, e le con—. . . bakeng sa therlo: *Lenqosa la Mantsiboea*. Ehlide, re ka fumana manqosa khabareng ea letsatsi lohle, 'me manqosa a hlahile letsatsing lena lohle leo A buileng ka lona, empa ho tla fihla Molaetsa oa mantsiboea. 'Me re batla ho sheba seo bosiung bona ka mokhoa oa sekolo sa Sontaha, ho bua ka eona nakoana.

⁵⁷ Joale, bohole re tseba seo Zakaria a neng a bua ka sona mona, hobane o itse, "Letsatsi le a tla le tla nkuoa ke Morena, e ke ke ea eba motše share kapa bosiu; empa Leseli le tla chaba mantsiboea." Joale, holane re tsebile e ne e se motše are kapa bosiu, e tla

tlameha ho ba e—e—e letsatsi le sithabetseng, letsatsi le batlang le le moholi.

⁵⁸ 'Me bohole re tseba tsoelopele e haotse ho tloha bochabela ho ea bophirima. Re fumana tsoelopele ea khale ka ho fetisisa e le China. 'Me tsoelopele e tlohile bochabela ho ea bophirima, hobane e latetse letsatsi, 'me joale re fihlile ka botlalo koana Lebopong la Bophirima. Haeba re tsoela pele, re khutlela Bochabela hape, le a bona. Ka baka leo re pheletsong ea tsela.

⁵⁹ Re a lumela, joaloka Kereke, hore Evangelie se e batla e qetile sebaka. Re lumela manqosa a maholo ho haola le mengoaha a khonne, matsatsing ana a qetelo, lilemo tse makholo a 'maloa tse fetileng, a loanetse loetse lintho tse kholo tsena; tokafatso ka tumelo, Luther; khalaletso, ka Wesley; kolobetso ea Moea o Halalelang, ka Mapentekosta. Re lumela hore lielemente tseo li a tloha ho bopa 'mele o tletseng, joaloka oa tlhaho le oa moea.

⁶⁰ Ha lesea le hlaha ka tlhaho, ntho ea pele ke efe? Ntho ea pele eo le e pshatlang, ke metsi; ntho e latelang, ke mali; 'me ntho e latelang, ke bophelo.

⁶¹ Johanne oa Pele 5:7 e itse, "Ho le ba bararo ba pakang Leholimong, Ntate, Lentsoe, le Moea o Halalelang: 'me tse tharo tsena ke nthoe le 'ngoe." Bao ba Bang; u ke ke oa ba le Ntate u se na Mora, u ke ke oa ba le Mora u se na Moea o Halalelang. Le a bona, ba Bang. "Empa ho le tse tharo tse pakang lefatšeng, metsi, le mali, le Moea: 'me li lumellana nthong e le 'ngoe." Ha se ntho e le 'ngoe, empa li *lumellana* nthong e le 'ngoe. Le a bona?

⁶² Joale, u ka lokafatsoa u sa halaletsoa; u ka halaletsoa u sa fumana Moea o Halalelang. Le a bona? Moea o Halalelang ke Boteng bo ahileng kahare ba matla a Kreste, Moeeng. Joale, re bona tlhaho e bapisa ntho ea moea, ka hona joale Kereke e fihletse kholo ea eona e phethehileng: tokafatso, khalaletso, kolobetso ea Moea o Halalelang. Re sa tsoa feta Mengoaha e Supileng ea Kereke, lapeng, ho e bapisa ka bokhabane.

⁶³ 'Me, ebile, o teng motho ea utloetseng ka liteipi tseo tsa mengoaha ea kereke? Khetlo la ho qetela ha ke taka mengoaha eo mono letlapeng, 'me Ntate ea Maholimong o tseba sena ke 'nete, hoba ke e phethele ka bokhoni ba matla a ka oohle, tlas'a tšusumetso eo Molimo o neng o mpha eona, Lengeloi leo la Morena leo le le bonang setšoantsong (bongata bo bone setšoants'o seo, ha ho joalo, Leseli leo?), La theohela hantle ka phaposing, ka pel'a batho ba ka bang makholo a mararo kapa makholo a mane, ho fihla hantle pel'a lebota (joaloka Leseli joalo) la taka mengoaha eo ea kereke ka Bolona. Rona bohole re ne re eme mono re Le shebile, ra Le shebella ha le taka mongoaha oa kereke ea pele, oa bobeli, oa boraro, oa bone, oa bohlano, oa botšeleta, le oa bosupa.

⁶⁴ Joale, batho ba teng ba lutseng mona e le lipaki tsa taba eo. Phahamisa letsoho la hau haeba ho le joalo. Bibebe e boletse, "Ka molomo oa lipaki tse peli kapa tse tharo."

⁶⁵ E mong le e mong a lutse mono, a hoeletsa le ntho e 'ngoe le e 'ngoe, ka re, "Mono! Joale, esale le batlile ho Le bona, e mong le e mong a ka Le sheba hantle." Hora ea leshome le motso o mong motšeħare, ho ema hantle mono leboteng, le ho taka mengoaha eo ea kereke, le hona ka Moea o mokaalo, lelefifi ho bontša hobane Moea o ile oa bipetsoa 'me oa feta Mongoaheng o Lefifi le ho khutla hantle ho theoha hape, joalokaha ke ne ke e takile hantle. 'Me re e tšoere, litšoantšo tsa eona, le ntho e 'ngoe le e 'ngoe e takiloe, e leketlile leboteng. 'Me e ne e le eo hantle feela. Moea oa Morena o tlameha o be o ne o khotsfetse hore e ne e phethiloe, hoba O khutlile le ho e netefatsa e ne e lokile.

⁶⁶ 'Me re phela Mongoaheng oa Kereke ea Laodisea, mongoaha o ruileng oa kereke e ikhopolang e sa hloke letho, atheha ba tsebe hobane ba feela, ba malimabe, ba foufetse; 'me ha ba tsebe, le a bona. Joale, tseo tsohle, ho bapisa.

⁶⁷ Joale, lona letsatsi le chabileng ho . . . le chabang Bochabela ke lona letsatsi le likelang Bophirima. Joale, ha re emiseng motsotso ho tšeħetsa molaetsa ona. Re tseba hobane letsatsi, eo ke l-e-t-s-a-t-s-i, le mahlahana a lona. Empa M-o-r-a oa Molimo o ile a theoha, ka phatsimo ea Molimo le Leseli la Molimo, ka Bochabela. 'Me joale re se re qetile lilemo tse likete tse peli, ha ho lekanngoa ke Morena, A re, "E tla ba nako ho ke ke ha thoe ke motšeare kapa bosiu, ke letsatsi le saretsoeng feela; empak nakong ea mantsiboea Leseli le tla ba teng."

⁶⁸ Joale, ha u ka hlokomela, Moea o Halalelang o theohetse pele holim'a batho ba Bochabela. Eaba re fumana nako ea ho tsamaea kereke feela le lintlhana tse lokelang ho thonakoa, le lipheo tse tlamehang ho loaneloa. Empa nakong ea mantsiboea, hemisefereng ea Bophirima, Leseli le tla hlah. 'Me re nakong eo joale! Tsoelopele e tħile e itšoanelia le lekhalo le leholo le tsoang Bochabela, ha e fiħla e ntse e thonaka sebe ka linako tsohle, 'me e thutse Lebopo la Bophirima joaloka lerako la molum, 'me e khutletse morao, 'me sebaka se senyehileng ka ho fetisisa seo ke se tsebang ke Lebopo la Bophirima. Soħle seo le batlang ho se nahana, ba se fumane, sebe, bobolu, hlalano, ho nyala, Hollywood, oona mosima oa lihele! Ke hantle haholo.

⁶⁹ Ke lumela khalalelong ea 'nete ea Bibebe. 'Me ha ke lumele bobolung bona le lintho tse bolileng tse behang mohlala ka pel'a batho ba rona, bo bitsoang Hollywood. 'Me e sa le ke le khahlano le eona. 'Me ha ke nahana monna ea ruileng Moea oa Molimo ka ho eena o tla ema khahlano le eona, hobane Moea oa Molimo o ne o tla paka hobane seo "se fosahetse" ho eena.

⁷⁰ Joale ke hopola eo e le e 'ngoe ea tsona . . . Re ne re ea Paris ho lata dimotlēlara tse tsotseng ho tsolisa basali ba rona, joale

Paris e tla koano ho tla lata ba rona. Le a bona? Hollywood e etella lefatše pele. Homme difeshene tse hlobotseng tseo re li fumanang kajeno, li fetisa tsa Fora (e nahanten feela!), sebaka seo sa botahoa, likomang, se hlephileng boitšoaro, 'me koana Hollywood e hlola hoo hohle.

⁷¹ 'Me lithelebishene tsohle tsa rona, ntho e 'ngoe le e 'ngoe or holim'a eona ha e a sefshoa, ke metlae e litšila feela, le sebolu se bolileng, ho qaputsa feela nthong e 'ngoe le e 'ngoe. 'Me batho, diabolose... Re ne re sa lumelloe ho isa bana ba rona ho—ho ea pontšong ea litšoantšo lilemong tse fetileng, rona Mapentekosta a mesong, empa joale diabolosi o sotelitse e 'ngoe a e beha hantle ka tlung holim'a rona. Le a bona? Kahoo o kentse pontšo ea litšoantšo hantle feela ka hare.

⁷² Joale, 'me ho joalo—e joalo—ntho e tšabehang ho—ho nahana hore lefatše le kene bobolung bona, ka baka la mafefohane ana ohle, le a bona, 'me a feralla ka tsela ena feela, a tla 'moho le tsoelopele.

⁷³ Empa ka nako tsohle... Ke tla rera le leng la matsatsi ana, ha Morena a rata, matsatsing a 'maloa, ka *Pallomorao*. Le a tseba, ke—ke tšepa hore le ntse le potoloha, 'me ho joalo le rona—re bona mono feela moo e etsahalang. Molimo o khonne ho etsa ho hong ka Kereke ea Oona, hape, ka linako tsohle, le a bona, mehleng eo lintho tsena li ntseng li tsoelapele. 'Me joale re nakong ea qetelo, ho lebohuoe Morena!

⁷⁴ Mongoaha o mong le o mong o fumane molaetsa oa ona le lenqosa. Molimo o ile oa hlokomela seo. E mong le e mong... Esita le mengoaheng ea likereke, re fumana o mong le o mong o ne a e na le lenqosa, 'me e mong le e mong o phetse mongoaha oa bona; 'me e mong a kena, le e mong a tsoa; 'me ha ntoo kena e mong; joalo ho theohela ho mongoaha oa kereke ea bosupa; naleli ka 'ngoe, lengeloi ka leng la kereke, lenqosa ka leng.

⁷⁵ 'Me re a fumana, ho mongoaha oa kereke ea ho qetela, koana ho Tšenolo 10, ho tla letsoa terompeta, 'me ho ile ha utloahatsoa mantsoe a supileng ho... Ba ne ba sa lumelloa ho ngola. Empa e ne e tiisitsoe kamorao ho Buka, litiso tse supileng li ne li le ka morao ho Buka. Hoba Buka e ngoloe, ke moo E tiisitsoeng morao mono ka litiso tse supileng. Joale, ha ho motho ea tsebang seo e leng sona. Empa E itse, "Mehleng ea lengeloi la bosupa ha le utloahatsoa Molaetsa oa lona," leo ke lengeloi la *lefatše*, joale.

⁷⁶ Hobane Lengeloi *lena* le theohile Lehelimong; 'me *lena* le ne le le lefatšeng; *lengeloi* ke "lenqosa," moromuo oa mongoaha.

⁷⁷ 'Me re bona A behile la Hae... mookoli o le holim'a hlooho ea Hae le ho phahamisa letsoho la Hae le ho hlapanya ka Ea phelang kamehla le mehla, ho thoe nako ha e sa tla ba teng (ha mantsoe ana a supileng a utloahala, lialuma tse supileng li utloahatsa mantsoe a tsona). 'Me A ba bolella, "U se ke oa ngola, empa ho E tiisa." 'Me re fumana e ne e le ka morao ho Buka.

⁷⁸ “Empa hoba lengeloi la bosupa le qete Molaetsa oa lona, boporofeta ba lona ba letsatsi, ke moo sephiri sa Modimo se tlang ho phetheha,” e mong le e mong o tseba Bibebe e rialo. “Sephiri sa Molimo, seo Molimo o leng sona, Molimo ke Mang, le tsohle tse mabapi le mokhoa oa ho kena kolobetsong le lintho, e loketse ho batalatsoa eohle letsatsing leo.”

⁷⁹ Lenqosa le leng le le leng le bile le molaetsa oa lona, le e—e molaetsa le lenqosa ho mongoaha. ‘Me ho tsotaha haholo ha e le moo lenqosa le leng le le leng . . . Re fumana mengoaheng ea kereke (‘me bosiung bona re tla khutlela ho Testamente ea Khale ‘me re tla e fumana e le eona ntho eo) hore Molimo o romela lenqosa la mongoaha oo qetellong ea nako; kamehla qetellong, le ka mohla e seng qalong. Qetellong!

⁸⁰ Joale, eitseha mongoaha oa Luther o nyamela, eaba ho kena Wesley. ‘Me mohla khalaletso ea Wesley e neng e nyamela, mongoaha oa Pentekosta oa kena. Le a bona? Kamehla lenqosa le bula molaetsa o mocha qetellong ea oa khale. Hoo ho entsoe mongoaheng o mong le o mong. Re tseba seo e le ‘nete.

⁸¹ Taba ena e phetoa nako le nako ho haola le Bibebe. Re fumana hoo kahara Mangolo a halalelang, tsela eohle ho haola, feela qetellong ea mongoaha oa khale ‘me o mocha o a kena, mongoaha oo o a nyamela ‘me ho kena mongoaha o mocha, Molimo o romela lenqosa.

⁸² ‘Me ho joalo kamehla—kamehla, nako le nako ha lenqosa le fihla, kamehla ho tumisoa ho khutlela morao Lentsoeng, ha e hlolehe. Hopolang, Ena ke tšenolo e tletseng ea Jesu Kreste, ho ke ke ha ekeletsoa letho ho Eona kapa ha fokotsa ho Eona. Ke tšenolo e tletseng ea Jesu Kreste. ‘Me mokhoa o le mong feela re ka kholisehang le ka mohla: ekare ha ho hlaha ntho efe hara rona e khahlano le tšenolo ena, e tla be e fosahetse. Le a bona? “Ho khutlela morao Lentsoeng!” Le ho biletsha mortao kamehla.

⁸³ ‘Me lebakeng le leng le leng Lengolong, boemo bo bong le bo bong, Molimo o sebelisa moporofeta ho biletsha mongoaha oo morao, kamehla. Ha ho mokhe—. . . Che, ha ho mohla ho sa bang joalo, O romela kamehla e—e moporofeta! ‘Me joale hobaneng O etsa hoo? Ke hobane Bibebe e re, “Ke moporofeta eo Lentsoe la Molimo le mo tlelang,” mosenoli oa Lentsoe.

⁸⁴ Joale, ke—ke—ke tšepa ke sa utloisisoe ka phoso. Le a bona? Ha ke a ikemisetsa ho utloisisoa ka phoso, empa ke ikemiselitse ho tšepahala le ho tiisetsha pitso. Re batla ho ba joalo.

⁸⁵ Joale, kamehla Molimo o sebelisa e—e moporofeta, monna. Haeba u sebelisa sehlopha sa banna, u fumana mehopolo e fapaneng; le a bona, monna ka mong, banna ba babeli. Ha A eso be behe baporofeta ba babeli ba baholo lefatšeng ka nako e le ‘ngoe. O tlosa e mong, e mong a tle a nke sebaka sa ona bakeng sa letsatsi le leng, molaetsa o mong. Ha A boloke ba babeli, O beha a le mong ka nako.

⁸⁶ 'Me Molimo mohlokapeletso ha o fetole lenaneo la Oona, ka linako tsohle O loketse ho tsitlallela seo O se qalileng. Ke ka hona re ka bang le tšepo holim'a seo O se buang, O ke ke oa fetoha. Haeba O pholositse motho holim'a motheo oa tumelo ea hae ho Molimo, motho ea latelang o tla lokela ho bolokeha ka mokhoa oo.

⁸⁷ Mohla Molimo o ne o etsa nqalo moo O ka kopanelang le sebopuo sa Oona, Adama o kile a leka ho iketsetsa tsela, ho rohakanyetsa eena le mohatsae mahlaku a feiga, ho loha diaporone. Molimo oa e hanela. 'Me Molimo oa etsa qeto holim'a lenaneo lefe kapa motheo oo O tla kopanela le motho 'me a etse setsoalle le eena, 'me e ne e le mali a tšolotsoeng. 'Me ha O eso e fetole.

⁸⁸ Joale, joaloka Methodise ho isa ho Baptise, re ka tsukutlana ka matsoho. Empa holim'a motheo lipakeng tsa Methodise le Baptise ha re fumane lintho ka kopanelo, Ke hulela Baptise 'me uena u hulela Methodise, kapa ka ho fapanystsana. Empa balumeli bohole ba ka kopanela holim'a motheo o le mong, mono ke tlas'a Mali a tšolohileng. Re kopanela teng le ho behella lintho tsena tsohle kathoko. Ka hona re ka sitoa bohole ho kena mokhatlo o le mong, re ke ke ra khona ho etsa hoo.

⁸⁹ Mekhatloana ena, ke hopola esale Molimo o le ho eona, ntho eohle. Empa batho... hobane re fapane. Motho ka mong o bona ka ho fapan, motho ka mong o bona ka ho fapan, ha ho likelello tse peli tse tšoanang hantle. Batho ba babeli ha ba tšoane ka ho phethahala, ho thualo; ha ho linko tse peli, ha ho litlapiso tsa menoana e mebeli. Le a bona, re entsoe re fapane, ha ho le joalo re tlameha ho ba le lihlopha tse fapaneng.

⁹⁰ Empa Molimo kamehla o sebetsana le motho ka bomong. Ha O u pholose hobane u le Methodise; ha O u pholose hobane u le Mobaptise; Ha O u pholose hobane u le Mopentekosta. O u pholosa kahobane O sebetsane le *uen*a ka seqo! 'Me u pholositsoe holima motheo oo, u e amohetse. Ka hona, Molimo, ho sebetsana le uena, Ha O sebetsane le uena ka mokhoa oa kereke ea Oona, O sebetsana le uena ka bomong.

⁹¹ Ka baka leo Molimo ha o romela baporofeta ba Oona, manqosa a Oona a Testamente, O buile le monna a le mong, 'me monna eo a tlameha ho tlissa Molaetsa. Ba bang ba tsoile ho eena, hohle, ba ntse ba hlahisa Molaetsa o tšoanang. Empa ha tlameha ho ba le lintlukholo li le ling. Haessale Molimo o e-na le eona. Ke leboha haele moo O e tšoere bosiusng bona; eona ke Moea o Halalelang, ehlide, bohole re a tseba. Joale, ha se sehlopha sa mofuta, empa Moea o Halalelang ke Lintlukholo tsa Molimo. Leo ke Lenqosa la Molimo la hora.

⁹² Joale, hoba ho joalo, Lentsoe le tlela moporofeta eo kamehla, haeba bao e le moporofeta oa 'nete oa Lentsoe, Molimo o netefatsa Lentsoe la Oona ka moporofeta eo.

⁹³ Joale, baporofeta ba bohata ba hlahile ba le bangata, re ba fihetse mengoaheng eohle. Re khutlela ho Testamente ea Khale, ho ba bona ba hlahala bua ka Lebitso la Morena, 'me e ne e sa—e ne e sa loka. Keha Molimo o ne o sa amane le eona ka letho. Ha O thasisetse letho haese Lentsoe la Oona ka Sebele. Leha ho le joalo, O ke ke oa laola litaba tsa Oona joalo. Le a bona?

⁹⁴ Le hopole feela, Molimo o tiisa Lentsoe la Oona feela! 'Me ke moporofeta oa 'nete feela... 'Me mokhoa o le mong feela u ka bolelang hoba ke 'nete kapa che, ke ka Lentsoe. Ke oo mokhoa oa ho mo ahlola.

⁹⁵ Joale ha le ka ela hloko, joaloka matsatsing mohla—mohla Mikea, ho kile ha ema baporofeta ba makholo a mane ba Baheberu, pel'a Akabe le Josafate, le ho re, "HO RIALO MORENA, 'Nyolohang le be le atlehe." Ho latela thutamotheo ba ne ba nepile. Eaba Mikea o biletsoa temeng, eena ba mo hloile bohle. Joale, ea ka haeba... Makholo a mane (ha—ha ke bolele baporofeta ba Baalime) Baporofeta ba Baheberu ba ema ba le ntsoeleng, le ho re, "Nyolohela Ramothe-gileade, Morena o tla u hlohonolofatsa 'me u tla atleha." 'Me banna bao e ne e se baikaketsi, ba ne ba bululetsoe ka botlalo! Empa ea bona...

⁹⁶ Ebe hobaneng thakanyana lena le ka kena ka lebitso la—la Mikea, mora Imla, 'me a khutle a porofeta khahlano le bona? Joale, e qositse sebete, e qositse kholiseho. Le a bona? Empa a tseba joang hoba o ne a nepile? Holane u ne u eme mono, u ne u tla e tseba joang? U ka sebetsa ka mokhoa o le mong feela, ke ho nka seo monna a se buang le ho se bapisa le Lentsoe. Le a bona? Joale, Mikea o ne a tsepame Lentsoeng hantle, hobane Elia, moporofeta e moholo ea neng a tšoere Lentsoe la Morena, o ne a qeta ho rohaka Akabe le Jezebele le bohle. Le a bona? 'Me Molimo o ne o ka hlanoha joang 'me oa hlohonolofatsa se rohakiloeng? Le a bona, ka hona e ne e ke ke ea sebetsa.

⁹⁷ Joale, re a fumana hore Molimo o tiisa Lentsoe la Oona. Lentsoe la moporofeta, ekare ha e le moporofeta, ka hona ke... o bua ho latela Lentsoe. Bibele tulong se seng, e itse, "Ekareha ba sa bue ho ea ka molao le baporofeta, ha ho Leseli ho bona." E ntano ba ho bitsa... Joale lenqosa lena le bitsa Ba bitsitsoeng. O holim'a Lentsoe la Molimo hantle, ho paka hore o nepile.

Hlokamelang, hlokamelang, joale re tla mema batho ba 'maloa 'me le mamele.

⁹⁸ Nohe e ne e le paki ea Molimo ea pheletso ea mehla ea pele ho moroallo. Joale, shebang kamoo molaetsa oa hae o neng o le khahlano le lefatse lohle la pele ho moroallo. Khele, monna eo a nkoa e le monna oa lehlanya. Hobaneng, hae... Empa, leha ho le joalo, keha a tšoere Lentsoe la Morena hantle. Joale, Molimo o ne o buile hoba O "ke ke oa mamella sebe," ka hona Eena... batho ha ba qala ba etsa sebe, eaba Molimo o a theoha 'me Nohe a rera molaetsa oa nako ea qetelo. E ne e le neng? Pejana ho

nako ea bofelo feela, lenqosa lena la hlaha. Molimo o rometse moporofeta enoa ka molaetsa oa nako ea qetelo. 'Me a tšehoa, a songoa, a tlokoa, 'me a pholosa ba ntlu ea hae feela. Ke hantle. Ho se motho ea mo lumelang. Empa o ne a tšoere molaetsa oa nako ea bofelo. Joale, bohle ba sa kang ba lumela ba ahlotsoe, 'me ba lumetseng molaetsa ba pholosoa. Molimo o ba file Bophelo 'me ba bolokehile, 'me ba sa kang ba lumela ho Bona ba lahlehile.

⁹⁹ Joale, ke bapisa ho hong. Lemohang Molimo, kamoo O entseng sena makhetlo a mararo.

¹⁰⁰ 'Me tharo ke palo e phethahetseng ea Molimo. Molimo o phethehile ka tharo, joaloka, "Ntate, Mora, le Moea o Halalelang," le "tokafatso, khalaletso, kolobetso ea Moea o Halalelang." O phethehile, hoba *botharo ke ea Hae* "phetheho" *Hlano ke palo ea "mohau."* Supa ke...Palo ea "khumamelo," *leshome le metso e 'meli. Mashome a mane ke palo ea—ea "hloriso."* 'Me *mashome a mahlano* ke "jubile," khumamelo. "Pentekonta" e bolela *mashome a mahlano.* 'Me, Moshe o lekiloe matsatsi a mashome a mane, Kreste o lekiloe matsatsi a mashome a mane, le a bona. Le lipapiso tseo tsohle. Joale, Molimo o phethahetse ka tharo.

¹⁰¹ Litšenyeho li tharo. E 'ngoe ea tsona, mohla Nohe a neng a *kena arekeng*; lekhetlo labobel, Lota o *tsoile* e—e Sodoma. Shebang, Jesu o buile ka tsona, "Joaloka mehleng ea Nohe le mehleng ea Lota, ho tla ba joalo le ho tleng ha Mora motho." Shebang! E mong o *kene*, e mong o a *tsoa*, ea latelang o a *nyoloha*. Uh-huh. Le a bona? Uh-huh. Ho *kena*, ho *tsoa*, ho *nyoloha!* Joale, eo ke tatelano ea Morena. Le a bona, Jesu o buile ka baporofeta ba babeli bao. "Joaloka mehleng ea Nohe," le a bona, "le joaloka mehleng ea Lota," Abrahama ka ho ba moporofeta, "joaloka mehleng eo, ho tla ba joalo ho tleng ha Mora motho." Le a bona, ho lebisa morao ho bona.

¹⁰² Joale, Moshe, moporofeta e mong, pheletsong ea mongoaha oa Egepeta. Re fihlela Molimo mohla o neng o tla lopolla batho ba Oona, 'me esale Baegepeta ba ba hlorisitse hampe hakaale, 'me ba ipeha batubi holim'a bona, balaoli holim'a bona, ke rialo. 'Me ka hona pejana feela ho timetso ea bona, Molimo, joaloka le kamehla, O rometse moporofeta ka Lentsoe la Morena. Hopolang, moporofeta o ne a tsebahatsa hantle seo Molimo (makholo a lilemo pele ho moo, lilemo tse makholo a mane le lethoana pele ho moo) o ne o tsepisitse Abrahama, hore peo ea hae e tla jaka naheng eseles, empa O tla ba ntša ka letsoho le matla. Le a tseba, sehlahleng se tukang mohla Moshe a kopanang le Molimo, 'me A re ho eena, "Ke utoile mefehelo ea sechaba sa Ka, Ke bone mahloreho a bona, 'me Ke hopola selekane sa Ka." Ho hopola Lentsoe la Oona!

¹⁰³ Hopolang, O sa ntse a hopola Lentsoe la Oona! Le a bona? Ha A hholehe, O tlameha ho etsa ntho e tšoanang nako le nako.

Lebaka leo ke buang lintho tsena, ke ho li khutlisetsa kelellong ea lona le ho nahana. Esita le lona batho ba neng ba kula; le hlokometse hoba ke itsese “le neng le” kula.

¹⁰⁴ Joale, elang hloko joale, lona batho bohole le lokela ho hopola sena, Molimo o ke ke oa fetoha! Ke Molimo o sa fetoheng. Linako li a fetoha, batho ba a fetoha. Molimo ha o na pheletso, O ke ke oa fetoha! Hae... O lokela ho lula a tšoana, maobane, kajeno, kamehla, O loketse ho lula joalo. ’Me haeba re lumela Lena e le Lentsoe la Molimo, re ka beha tšepe ea rona holima eng le eng eo A e buileng. Le a bona?

¹⁰⁵ Joale, mono le bona kamoo molaetsa oa Hae o tlang, kamoo A romelang molaetsa oa Hae. O ke ke oa fetola seo, O e entse kamehla. O lokela ho lula a tšoana kamehla. O tla e sebetsa joalo kamehla. Joale, hopolang, O e etsa neng? Pejana ho tšenyeho feela, pejana feela ho qetello ea mongoaha. Ke mohla A romelang molaetsa oa Hae ho bitsa batho ba Hae, (kamehla ba ba ferekanya), ’me ke bona ba fihla.

¹⁰⁶ Joale, matsatsing a Moshe, balumeli ba ile ba bolokeha, basalumeleng ba timela.

¹⁰⁷ Ea lumetseng molaetsa oa Moshe o tsoang ho Molimo, joale, ba ka be sitiole holane Moshe a sa netefatsoa ke Molimo le ho paka hoba Lentsoe la Molimo le ne le lutse ho eena. Hoo ho mo entse moporofeta. O tsoile mono a re, “Hosane, ka nako e kang ena, le tla bona ho etsahala *hore-le-hore*.” Hosane, ea etsahala. E ne e le phetho. Moporofeta ofe oa ’nete oa Molimo ea buang ka Lebitso la Morena o tla etsa joalo. “Me ho tla etsahala *hore-le-hore* ho hlahe. Ke tla nyolohela ho Faro, empa o tla thatafala, pelo ea hae e thatafale. O tla bolela a tla re lokolla empa a ke ke a etsa joalo.” ’Me, e etsahetse. Le a bona? Hobaneng? Ebile batho ba tsebile hobane monna enoa o ne a romiloe ke Molimo. Ba qala ba bona hoba Molimo o mo hlohonolofalitse, ’me ba mo hlompha ’me, ha ba entse joalo, lintho tse kholo tsa etsahala.

¹⁰⁸ ’Me batho ba neng ba tšehe ba soma ba hana ho amohela molaetsa oa hae, ba timetse le bohole ba sa kang ba lumela.

¹⁰⁹ Empa balumeli ba tsoile ’me ba kena lefatšeng la pallo, ba kena tlasa molaetsa o tlotsitsoeng oa lenqosa. E ne e le molaetsa oa toelo, Molimo O kile oa tšepisa ho kenya batho ba Oona naheng e kollang lebese le linotši. ’Me e etsahetse, hoba Molimo o na be o boletse, ’me Moshe a fihla ’me a netefatsoa joaloka lenqosa la letsatsi leo.

Joale, taba eo re e hlakisetsoa hantle.

¹¹⁰ Ho lokile, ka hona re fumana Moshe a ile a tsebahatsoa ka nepahalo.

¹¹¹ ’Me phetohong ea mongoaha, ha fihla nako ea... lipakeng tsa molao le mohau. Nako ea ho fihla ha Messia enoa ea boletsoeng ea tlameha ho thoasa. Re fumana nako mohla batho

ba neng ba sothile molao, ba o hlahletse tlasa seholo sa ntho ea mofuta, le ho thea mefuta eohle ea—ea mekhoa ea batho, ba ne ba sotelitse ho ona. Phetohong ea nako ha fihla Jesu, Moporofeta e mong, Molimo-Moporofeta.

Joale u re, “E ne e se moporofeta.”

¹¹² Bibele e Mo tlalehile joalo. “Morena Molimo oa lona o tla hlahisa Moporofeta ea joaloka ’na.” E ne e le Molimo-Moporofeta, phetohong ea nako lipakeng tsa molao le mohau, eo A neng a buile ka eona lilemong tsena tsohle. Hoba A nehe Moshe molao, e ntoo ba mohla nako e ne e fetoha, mohla A boletseng e tla etsoa, eaba O khutlela mohaung. ’Me A romela Moporofeta ea porofetang nako eo. Joale—joale, balumeli, O ile a ba phutha; basalumeleng ba timetse letsatsing la Hae. Bohle ba lumetseng ho Eena ba bolokehile; bohole ba sa kang ba lumela molaetsa oa Hae ba timetse.

¹¹³ Ke hantle feela se etsahetseng matsatsing a Nohe; ke se etsahetseng matsatsing a Lota; ke se etsahetseng matsatsing a mang, matsatsing a Moshe; ke se etsahetseng matsatsing a Jesu Kreste. Hobane ba nyelistse molaetsa ’me ba timela, ’me ba lumetseng molaetsa ba ile ba lahleha... kapa ba bolokehile.

¹¹⁴ Joale, joale, ho ntano kena lekhathel la kereke. Re phetse morao mehleng ea Nohe, pele ho moroallo; re kena lekhatheng la molao; e ntano ba lekhathel la mohau, kereke. ’Me joale lekhathel la kereke le a fela. Bohle re tseba seo.

¹¹⁵ Joale, efela ha Molimo o entse *hore-le-hore* lekhatheng leo, makhateng a mabeli ao a mang, O tlamehile ho lula a tšoana le ho etsa se tšoanang lekhatheng lena, hoba O boletse O tla se etsa. Ke tla e paka metsotsong e ’maloa, ka Lentsoe, hoba O boletse A tla e etsa. Joale, O ke ke oa fetola lenaneo la Oona, Ke Molimo. Lemohang seo O se entseng makhateng ao.

¹¹⁶ Joale re fihla lekhatheng la kereke la nako ea bofelo. Ke sona seo ke se balileng bosiung bona:

Leseli tla ba teng nakong ea mantsiboea.

¹¹⁷ Re haotse nako e ngata e nyarosang, empa Leseli le tla fihla. Eena Mora ea tlileng le ho fetola lekhathel mohlang oo, o tla hape! Mono e tla ba ho tloha lefatšeng ho ea Khanyeng. Re tla kena ho eona. Khetlo leng re ile ra *kena*, khetlo le leng ra *tsoa*, ’me khetlong lena re a *nyoloha*! Le a bona? Ho lokile: kena, tsoa, nyoloha. Re fihla nakong ea bofelo. ’Me ha re tle feela, re se re fihlile. Re nakong ea bofelo!

¹¹⁸ Molimo o fumana’ng nakong ena ea bofelo? Molimo nakong ena ea bofelo o fumana hantle feela seo A se fumaneng lipheletsong tsa linakong tse ling, ho se lumele! Esale A le joalo, Eena, mohla A tlang, O—O fumana ho se lumele. O fumana lenaneo leo A le ralletseng batho... .

¹¹⁹ Morao koana mehleng ea Nohe, holane feela ba phetse ka likomelo tsa Oona, ho nyehela mahlabelo... Ba ile ba se furalla. Mohla A ne a fihla, O fihletse sena, ntho eo e ne e sebetsa ka phoso.

¹²⁰ Eona ntho A e entseng mohla A ttileng lefatšeng, O fihletse batho le Bafarisi, le ba joalo, ba setse molao morao. Ba ne ba etsa'ng? E ne e sa loheloa botšepehi ba letho, ho tsaelapele feela le ho qhekella ka mokhoa ofe feela oa khale, 'me "Ha ba mpa ba ingolisitse le kereke, 'me ke ho fela seo ba neng ba se hloka." 'Me ke seo A se fumaneng.

¹²¹ 'Me ke sona seo A se fumaneng hape! O fumana eona ntho eo, batho ha ba fetohe. Ka hona haeba A rometse lenaneo la Oona 'me batho ba sa le lumela mono 'me ba timela, ba le lumetse 'me ba phela, (Joale, holim'a lintho tse peli tseo), eka khona ho be joalo nakong ena. E tlameha ho tšoana. Che...

¹²² Esale e le ntoa ho lenqosa ho arola ntho ea khale ho e ncha. Haesale e le ntoa eo, ho-ho lenqosa le kenang ho arola ntho ea khale ho e ncha, leha koana kamehla molaetsa o loketse ho khemisana le Mangolo, joale, hoba e mong o buile ka e mong ea tla fihla.

¹²³ Joale, ha re nkeng, ho tea mohlala, Jesu. Ebile bothata bo bokakang, ho Eena ho kena le ho fetola molaetsa ho tloha ho molao ho ea ho mohau. Feelaa Bibele e boletse e tla fihla joalo, "Ho ne ho tla fihla e-e Messia, 'me ho tla felisoa sehlabelo sa kamehla." 'Me re tseba e porofetiloe ka baporofeta. E ne e le nthohali e kakang ho Eena ho phethisa seo. Empa re Mo fihlela a e phethile. 'Me ea... O e entse kahobane Lengolo le boletse, 'me balumeli ba letsatsi leo (bao ho thoeng ke balumeli) ha ba lumellana le Eena ka bottlalo.

¹²⁴ Shebang Bafarisi bao, Basadusi, ba ne ba bolokile meetlo ea bona ba se na ho sisingoa ke motho ho eona. Ke seo ba se lumetseng, 'me oa bona o lumetse, ntat'a bona o se lumetse, 'me ntatemoholo oa bona, nkhono o se lumetse, 'me "Moshe o boletse joalo!" Empa eena Moshe ea abileng molao e ne e le eena Moshe ea boletseng Thaka lena le tla fihla, 'me ba sitiloe ho e elelloa hobane ba ne ba kentse Lentsoe la 'nete la Molimo meetlong 'me ba ne ba furaletse molaomotheo oa Lona oa sehlooho. 'Me litaba tsa lokela ho lula joalo.

¹²⁵ Lemohang, e mong le e mong o boletse e mong ea tla fihla. E mong le e mong oa manqosa, ka mora molaetsa, o e boletse e tla fihla. Joale, empa kamehla batho ba nka molaetsa oa letsatsi oo ba bileng ba o fumana, ba o hlophisa.

¹²⁶ Ha re e qhaqholleng, hanyenyane ho fihla lapeng, ha re shebeng Luthere. Mohla Luther a neng a rera tokafatso ka tumelo, e ne e le lenqosa, lengeloi la mongoaha kereke eo, ho lokile, la Mongoaha oa Kereke ea Sarda. Joale, hlokombela, mohla a neng a rera, o kile a hleka Maluthere hantle. Joale, ka hona,

mona ha tloha Luther a ntse a jaleha. 'Me eitseha Wesley a kena, Mongoaha oa Kereke ea Filadelfia, ka molaetsa oa khalaletso, khele, Luthere o kile a thatafalloa ho bona taba eo. MaLuthere ao a sitiloe ho e lumela.

¹²⁷ 'Me hoba Wesley a ba tsetela fatše bohole nqa Pilgrim Holiness le Free Methodist, le joalo-joalo, joalo ka khalaletso, 'me ha ntoo latela molaetsa oa Pentekosta, khele, Methodise e kile ea thatafalloa ho lumela seo. Uh-huh, ehlile, bo. Le a bona, ke e . . .

¹²⁸ Leha ho le joalo e mong o bua ka e mong, ha re bua ho latela Mangolo. Henoke o buile ka litšenyeho tse tlang, ka hloibilo ea hae, Molimo oa mo nkela hae; e ne e le paki. Abrahama o ba boleletse ka Moshe. 'Me Moshe o buile ka Messia. Le a bona, ha ba phetse ho bolellana, e mong ho e mong. Messia o buile ka nako ena, ho bolela seo e tlang ho ba sona!

U re, "Ah, Moena Branham!"

¹²⁹ Oh, e, O entse joalo! Feela ha re . . . Mona ke ngotse Mangolo a mangata fatše, 'me ke tla lebisa ho a mabeli kapa a mararo a oona. Ha re nkeng Mattheu 24. Joale ha re nkeng Mattheu, khaolo ea 24, re bale seo A se boletseng mono se tla etsahala, kamoo "Lichaba li ne li tla tsohela sechaba se seng matta." Empa, hopolang, eaba O theohela tlase moo O re, "Joaloka ha ho bile mehleng ea Nohe, le joaloka mehleng ea Lota, ho tla ba joalo le ho tleng ha Mora motho." O e boletse pele, O boletse lintho tsena li tla etsahala!

¹³⁰ A re, "Joale, mohla tsena tsohle li ntseng li etsahala, nako ha eso fihle," joalo-joalo. Empa ho re, "Ithuteng setšoantsō ka sefate sa feiga, ha se le bonolo se lhalisa makala, le lifate tse ling tsohle, le tseba ke hona hobane lehlabula le haufi. Le joalo, etlareha le bona sena se etsahala, tsebang hobane nako e atametse, ebile e monyako." Joale, mohla u bonang eng? Sefate sa feiga se hlomela, le lifate tse ling tsohle li qala li mela, e ne e le pontšo. 'Me Iseraele esale e le sefate sa feiga.

¹³¹ Joele o bile a porofeta ka eona, "Se siiloeng ke bookholane, seongoane se se jele sa thefula ntho eo. Empa Molimo o tsepisitse, 'Ke tla khutlisetsa, ho bolela Morena.'" 'Me O tla e etsa. Empa pele A ka busetsa seo maemong a sona a moea, Kereke ea Balichaba e lokela ho ntšoa. A ke ke a emisa ba babeli ba bona ka nako e le 'ngoe. Joale, u ke ke oa rarahanya Mangolo joalo. Le a bona? Ha A eso emise lipaki tse peli ka nako e le 'ngoe, lipaki tsa sehlooho, 'me ha A eso be—ha A eso e etse . . . Ha A na Likereke tse peli ka nako e le 'goe.

¹³² Lemohang, eona . . . Kereke ea Balichaba e tlameha ho tlosoa pele, bakeng sa Bajude, ebe moo ho felang liveke tse mashome a Supileng tsa Daniele. Lilemo tse tharo le halofo Messia o ile a porofeta, 'me A ntoo khaoloa, Khosana, bohareng ba veke ea mashome a supileng. 'Me, hape, ho setse libeke tse tharo le halofo. 'Me re fumana baporofeta ba babeli ba Tšenolo (Ha A

fetole seaparo sa Hae le ka mohla), ba Tšenolo 11, ba theoha le ho porofetela Bajuda. Joale, Kereke e tla tlosoa nakong eo.

¹³³ 'Me re bona Iseraele, khetlo la pele lilemong tse makholo a 'maloa, ho batla ho fetile lilemo tse likete tse peli, joale e fetoha sechaba; lebotho la sona, chelete ea sona. Iseraele o lehaneng; ke sechaba bosona, folaga ea sona, ke setho sa Machaba a Kopaneng. Ke sechaba! Khele, ke e 'ngoe ea lipontso tse kholohali tseo re ka li nahanang, hona joale, Iseraele lehaeng la eona. 'Me Jesu o itse, "Moloko ona o bonang Iseraele a khutlela lehaeng la eona o ke ke oa feta tsohle li eso ho phethahe." Le a bona, O buile ka tsatsi lena.

¹³⁴ E reng ke fane ka le leng feela. Ho Timothea oa Bobeli 3, O buile ka kereke nakong ea qetelo, ho re, "E ne e tla ba bahalefi, ba ikhohomosang, ba ratang menyaka ho feta ho rata Molimo." Ho nka lefatše la kereke, ho le hapa, "ba ratang menate ho fetisa Molimo," ho itulela lapeng le ho shebella lenaneo la thelebishene pele u ea tšebeletso ea thapelo Laboraro bosiu.

U re, "Eo ke Baptise."

¹³⁵ Ke Mapentekosta! Ehlile! E, monghali. Oh! "Bahalefi, baikhohomosi, ba ratang menate"; bea Lentsoe hantle tlas'a linko tsa bona, ba ke ke ba Le talima. Uh-huh. "Ba ratang menate ho feta ho rata Molimo"; ak'o bolelle basali ba se ke ba poma moriri oa bona, ba u poma leha ho le joalo. Uh-huh. "Ba ratang menate ho feta ho rata Molimo, ba se nang ho ts'epeha, baetselletsi, ba sa tsebeng ho itšoara, le ba hloeang ba molemo. Ba nang le . . ."

U re, "Bao ke bahanyetsi-diatheisti." Che! Che!

¹³⁶ "Ba nang le sebopeho sa borapeli, ba mpa ba latola Matla a jona," Matla a ka u lopollang botubong bona ba tsamaiso ea lefatše, la joale. ". . . Matla a jona; le ba joalo u ba furalle." Ho sa tsotelehe seo batho ba bang ba se buang, ke uena motho ka bomong pel'a Molimo, u lokela ho arabela. Ho sa tsotelehe seo mosali enoa a se etsang kapa mosali eane a se etsang, kapa, monna enoa se etsang kapa monna eane a se etsang, kapa, seo moreri enoa a se buang kapa moreri eane; ke uena le Molimo. "Ba nang le sebopeho," ho sala moetlo morao, "ba mpa ba latola Matla a jona; le ba joalo u ba furalle." Na re phela letsatsing leo? Ka sebele re joalo!

¹³⁷ Shebang hape mongoaheng oa kereke ea ho qetela. Moea o Halalelang, Jesu ka Sebele, "Ke 'na Jesu ke romileng lengeloi la Ka ho paka lintho tsena." 'Me Tšenolo, khaolo ea 3, e bua ka mongoaha oa kereke ena, Jesu o paka se tlang ho etsahala matsatsing a ho qetela, A re, "Kereke e tla ba morui, Laodisea, fofo," ho qhomaka ha 'mino o letsoa ho hoeletsa. Le a bona? Ke hantle. Empa haele bopaki le bophelo bo tlang ho hloekeisoa, e hole haholo le moo.

¹³⁸ Ha ke tsebe . . . Nke ke ka le utloisa bohloko lefeela, empa ha se khale ha ke bona pono ke le kahara Paradeise ea Molimo. Nke ke ka le bolella letho haese 'Nete feela. Molimo, re thuse rona basebeletsi re tsepehe linthong tsena le ho bolela 'Nete!

¹³⁹ Le a bona? ". . . ? . . . bata . . ." Bibebe e ba boletse ba tla ba joalo, ka hona ba tla ba joalo. Haeba e otile botsekeng ka phethahalo ka Luther, e otile ka ho phethahala . . . ho Mongoaha oa Filadelfia ka Wesley, e loketse ho e bua le ho phethahala . . . E se e boletse hoo, 'me e tla etsahala joalo hantle ka ho Laodisea.

¹⁴⁰ "Morui, ha u hloke letho!" Re ka tsetela dibilione tsa didolara meahong, re ka beha ntho e 'ngoe le e 'ngoe eohle e— ke hore . . . menyaka ea lefatše, re ka haha likereke tse ntlehali. Ho lokile, ha ho letho, ho itoketse ka ho phethahala.

¹⁴¹ Empa ke leka ho bolela, ha Molaetsa o qala o akheloa holim'a bona, ha ba u batle. "U ramoferefere! U mocheseheki ea hlaha! U tlameha u be u phetse lilemo tse mashome a mahlano tse fetileng." Le a bona? Oh, u ka nahana joalo, "Nke ke ka amohela molisa ea joalo." Ke molisa oa hau, leha ho le joalo! Jesebele o ne a ke ke a lumela hoba Elia e ne e le molisa oa hae, empa ruri e ne e le eena. Ka sebele ruri. O ne a rometsoe, e le mohlala, lenqosa ho sechaba sa Iseraele. 'Me kajeno Moea o Halalelang o thekothata le Lentsoe la Molimo ke Lenqosa ho kereke, ho ba otlolla le ho ba busetsa Lentsoeng. Re bua ka Lona, feela ha le bone motho ea nkang khato. Uh-huh, le a bona, re hlekemanya lintho tseo haholo.

¹⁴² Ke utloile motho, bopaking, a re, "'Mo phahamise,' ebe le Mo phahamisetsa joang?" 'Me, oh, ho fumana mekhanyana feela! E mong o its'e, "'Lebelang 'me le rapele,' hoo ho bolela ho buka leihlo le leng ha u rapela, sheba ka le le leng. 'Lebelang le rapele.'" (Khele, *lebelo* e bolela "lebelo ho tla ha Morena," le ho rapelisisa.) Le a bona, empa e le ho e hlanamisa feela.

¹⁴³ Ka hona, tabeng eo, re etsa eng? Re ithalla mokhoanyana oa rona ('me joale haeba . . .) e bang o hahiloe ke Molimo kapa che. 'Me re a tsoa, ntho ea pele le a tseba, re saloa morao ke ba 'maloa, le ho ba hulela hole le sehlopha sa sehlooho sa kereke. Ke hantle. Bakeng sa ho kena le ho rapela le ho rarolla taba, le ho lumella 'mele ho tsoela pele, re etsa lintho tseo ebang e hahiloe kapa che. Ha u tšoere 'Nete, joale tiisetra 'Nete. Ke hantle feela. Empa e ke e be 'Nete ea Bibebe pele! Hlokamelang, ka . . . mongoaha ona oa Laodisea.

¹⁴⁴ 'Me baporofeta, uh, Moea o Halalelang o bua ka Pauluse, e ne e le Messia. E ne e se Pauluse, e ne e le Kreste! "Molimo, mehleng ea khale le kamekhoa e mengata, o buile le bontata rona ka baporofeta, mehleng ena ea ho qetela ka Jesu Kreste," Baheberu 1, hlokomela, Moea o Halalelang, Kreste, Evangeli e theiloeng holim'a Kreste. 'Me haeba

E thehiloe ho Kreste, 'me e netefali- . . . Molimo o tla Le netefatsa hore ke 'Nete.

¹⁴⁵ Ke ka hona lona batho ba Pentekosta le amohela Moea o Halalelang ka tumelo ea Method- . . . pontšeng ea Methodise, hoba le ne le tsepame hantle Lentsoeng.

¹⁴⁶ Ke ka hona lona Methodise le halalelitsoe mohla Maluthere a sitiloeng ho e lumela, le ne le tsepame Lentsoeng.

¹⁴⁷ Lona Maluthere le pholositsoe joalo, ho lokafatsoa, hoba lenqosa la lona le rerile tokafatso, le ho hanyetsa kereke ea Katolike e neng e le tlapiso ea eona eohle. Ba ne ba lumela ho kereke feela; le ile la khutlela morao Bibeleng, la nka 'nete eo ea Bibele la e tiisettsa.

¹⁴⁸ 'Me eaba ho fihla Wesley ka 'nete e 'ngoe, 'me a e tiisettsa; ha ntso latela Pentekosta ka 'nete e 'ngoe, le ho e tiisettsa; haeba u ka e tiisettsa oa e bona e lokile, hobaneng u sa nke ntho eohle e pakiloeng e lokile? Ho e lumela eohle!

¹⁴⁹ Joale, ha re bona manqosa ana, re a tseba. Re bona Kreste, Molimo-Moporofeta e moholo a lepa lintho tsena li tla etsahala matsatsing a qetelo. Ebe e etsa'ng? Ho tumisa nako ea sejalo. E tumisa nako eo sejalo se tla kotuloa ka eona, se tlang ho etsahala matsatsing a ho qetela. Le a e bona na?

¹⁵⁰ Joale, lintho tsena li tla hlaha matsatsing a qetelo. Re tseba mofuta oa sejalo seo re se batlang. Re batla kereke e kileng ea fumana Leseli, ea ntso Le furalla, ho khelohela bokhabane ba lefatše, ho bentšoa ka botlalo (na ho joalo?), ho fapoha, ho sotetsa setho sa mofuta ofe feela, le ntho efe feela, le ho e bitsa Mapentekosta, ho kolobetsa eng le eng.

¹⁵¹ Metsi ha a pholose motho. Ho qosa Mali a Jesu Kreste. Ha ho Bophelo metsing. Bophelo bo kena seleng ea Mali; ho qosa khalaletso ho hloekisa bophelo boo, ho bolaea takatso ea sebe; Moea o Halalelang o ntso kena mafisong a hloekileng ao le ho a behella ka thoko ho sebelisoa, tšebeletsong. Aletare e halaletsa lefiso, empa e . . . ho tlatsoa ke hona ho e kentseng tšebeletsong. E ne e beetsoe ka thoko *bakeng* sa tšebeletso, joale e lokela ho kenngoa tšebeletsong. 'Me Moea o Halalelang o kenya kereke tšebeletsong. Ke ne ke rata sefelanyana:

Ba ne ba bokane phaposing e kaholimo,
Bohle ba rapela ka Lebitso la Hae,
Ba kolobetsoa ka Moea o Halalelang,
'Me matla a tšebeletso a fihla.

E. 'Me sekoto se setseng se re:

Seo A ba etselitseng sona tsatsing leo
Le uena A ka u etsetsa. (Ehlile.)

¹⁵² Sejalo; baprofeta; re ile ra emisa mono ho Kreste. Joale re khutla hanyenyane.

¹⁵³ Esaia, moporofeta, o pakile joalo, o porofetile nako ea bofelo. A re, “Mele ‘ohle o tla tlala liso tse phephethang bolalu, tafole tsohle li tlale mahlatsa!” Khele, banna le basali kajeno, ba ja selallo, ba phela le basali ba babeli kapa ba bararo, kapa banna ba babeli kapa ba bararo, (hantle) mefuta eohle ea... ho tsuba lisakrete, le lintho tseo tsohle; ho kena kerekeng, ho ja selallo!

¹⁵⁴ Joale, nka teba ho feta moo, feela ke tla e lebalisa nakoana feela, e ka tšoha e se nako hantle feela. Ke utloile ke qheloa ka setsoe hanyenyane feela ka seo ke tla se bua. Empa ke... U ka bala lipakeng tsa mela. Na le tseba seo Bibebe e se bolelang, lintho tse tšoaneleheng le tse sa tšoaneleheng ke life.

¹⁵⁵ Lintho tsena tsohle re li bona li etsahala ke hona, ’me sechaba... mahlale a re ke... lilemong tse ’ne kapa tse hlano tse fetileng, “Ke metsotso e meraro pele ho khitla ea bosiu.” Iseraele e lehaeng la eona. Kereke e Laodisea. Oh, khili! Re shebeletse eng? Molato ke ofe?

¹⁵⁶ Re shebeletse Leseli la mantsiboea. Oh, ke a ipotsa, holane Le ka fihla, haeba re ne re tla Le elelloa? Kapa na ebe Le tla re tlola lihlooho joalokaha e entse mengoaheng e meng? Ha ba e tsebe haese ho fihlala e fetile khale.

¹⁵⁷ Le a hopola, batho bao ba borapeli ba bolaile baporofeta ba rometsoenh ho bona. Jesu o boletse joalo. A re, “Lona baikaketsi!” Ho re, “Le khabisa mabitla a baprofeta, athe bo ntat'a lona ke bona ba ba kentseng mono, ’me le ntano haha lebitla la bona.”

¹⁵⁸ Shebang kereke ea Roma e Katolike, e khabisitse lebitla la Santa Patrick, ho khabisa lebitla la—la Joan of Arc. Ba bolaile mosali eo, ba mo chesa ho thoe ke moloi, hoba e ne e le oa motho oa moea, hoba a bone lipono. Ba mo chesa thupeng, ho thoe ke moloi. Lilemo tse makholo a mabeli hamorao ba epolla setopo sa baprista ba li lahlela nokeng, ho ikoahlaea, ho tseba hoba e ne e le lekhabunyane la Kreste. Empa, letsatsing leo, ke ha ba sa mo tsebe, mohla kereke e ntseng e haola e feta.

¹⁵⁹ 'Me E tla feta hantle holim'a batho 'me ba ke ke ba E elelloa le ka mohla.

¹⁶⁰ Jesu, ha ba Mo tseba e ne e le Mora oa Molimo ho fihlela A shoele a patuoet boetse a tsohile. Na Petrose ha a ba qosa ka Letsatsi la Pentekosta? “Lona banna ka matsoho a bokhopo le nkile Khosana ea Bophelo, le E bolaile, le Mo fenethile!”

¹⁶¹ Oh, letšoao le lefubelu le halimang la ho khutla ha Hae le hlahile! Amen! Re pheletsong. Amen. Letšoao leo le lefubelu le halimang le hohle, hohle, “Ikabobe,” e ngotsoe holimo. Nako e felile. Nako e se e qetile sebaka!

¹⁶² Mahlale a saense a qetile sebaka sa oona. Ke hantle. Joale ba sibolotse ntho eo ba ka phatlolang lefatše lohle ka eona, e mong o tšaba e mong. Ba nakong ea bofelo.

¹⁶³ Tsoelopele, ho fihlile moo batho... hloro e akhotseha ka seetse. Batho ha ba itšoare se sa batho ba hlaphohetsoeng. Na u ka nahana ka monna a batla ho ba lehipi, matšoala a leketlile ka mokhoa *ona*, diborichi tsa hae li nyehlile lethekeng la hae, a parola jarete ea sekolo ha bohlasoa hakaalo? Bohlale ba lefatše bo tlang ho fihla ka morao ho mona, haeba bo sa le teng, ho ntša banana ba lilemo li leshome le metso e mene, ho ba ntšetsa seterateng.

¹⁶⁴ Kajeno, moteleng oa ka, mono kantle keha ho paqame 'me a sa apara liaparo tse lekaneng ho kiba le sethunya sa masekete, 'me monna oa hae a paqame mono a itšoanela, har'a moea o maruru oo. Ba hopola 'mele ea bona e le metle hoo ba tlamehang ho e pepesa. Na ha u eelloe hoba ke liabolosi? Ke hantle. Ho hlobola liaparo tsa bona, ke lehlanya feela le etsang hoo. Legione o e entse hoba a ne a hlanya. Hlokomba! 'Me re fumana hoo, empa se se bitsoa "setaele," se bitsoa "sejoale-joale." Re se bitsa "Liabolosi!" Ke tšoere Bibebe e pakang hoba ke liabolosi. Ke ho laoloa ke liabolosi, ho busoa ke matemona (ha se khatello). Bolaoli, o le tšoere! Ke hantle. Na u ka ba bolelle ka eona? Mabifi a bona a phatloha. Ha ba batle ho amana le Lona ka letho! Che, monghali. Ba fupile mehopolo ea bona, hobane moshara oa bona oo ba o kenang ha ba e khaleme. Ho chachehisa nama ho hlakisoa likolong le likerekeng, 'me balisa ba tšaba ho e khalema, ke ka seoelo haholo.

¹⁶⁵ Ke utloile moreri tsatsi le leng, a re, "Mohla ba ne ba sibolla nyee ena ea mahlo e bolou, le-le melomo e mefubelu, ba ntlafalitse lefatše ho feta." Moreri oa Evangel, sefaleng, ea ka etsang tlhahiso e joalo, o hloka leeto la Kalvari. Hantle. Ke hantle haholo, athe Bibebe e a e nyatsa!

¹⁶⁶ 'Me sehlopha sa Mapentekosta se boleletse khaitseli (a fihla, a ntse a lla) hoba a ne a hlaphositse moriri ka morao ho hlooho, moriri o molelele, ho re, "Lebili la hau le ka tšoha le fofotsa moea." Ho re, "U tlameha ho kuta moriri oo, hoba Bibebe e mo boletse a ne a e-na le... ho Esaia, khaolo ea 5, maoto a koloi a ne a le bochitjana ba khoeli." Joale, Bibebe e ka rialo joang "ha se tšoanelo ho mosali ho etsa hoo," ha se tšoanela ho phela le eena ha a kuta moriri oa hae, o ipaka a tlottolla hlooho ea hae, 'me hape moriri o molelele...?... Ana u ka buisa Bibebe ntho e joalo joang? Be, molato ke'ng ka basali ba rona ba Pentekosta? U bone thelebishene e ngata haholo! U bone lintho tse ngata tsa lefatše, feela ha u khahloe ke Lentsoe la Molimo ho lekana. Joale, Bibebe e itsalo. Ke seo Bibebe e se boletseng. Ha se 'na, joale, eo ke Bibebe!

¹⁶⁷ Oh, ho chachehisa nama! Mofumatsana e mong o mpoleletse nakoana ea ho feta, ke bua ka ho apara ha bona lishoto tsena, ho re, "Ke—ke apara lileke."

¹⁶⁸ Ka re, "Ho hobe le ho feta." Uena . . . Bibebe e itsalo. A ke ke a fetoha.

¹⁶⁹ U re, "Eo ke Mobaptise." Ke Mapentekosta. Ke bua le *uena*. Ke hantle. Ke 'nete.

¹⁷⁰ Empa molato ke eng? Bothata ke bofe? Motho e mong o lahletse marapo kae-kae. Moreri e mong oa khale motsoalle oa ka o ne a re:

Re lahletse marapo, re lahletse marapo,
Re ngoaetsane le sebe;
Re lahletsetse marapo, linku li tsoile,
Empa athe lipōli li kene joang?

¹⁷¹ Bothata ke bofe? Ha u lahlela marapo, marapo a Lentsoe la Molimo! Hopolang, lenaneo la Molimo e ne e le ho natlafatsa Kereke ea Oona ka Lentsoe la Oona, tšimolohong.

¹⁷² 'Me mohla Eva a ne a beha mabaka a re, "Be, joale, ana ha e utloahale, nka phela hantle joalo ka bona . . .?" Ah! Eaba ke phetho.

¹⁷³ 'Me haesale e entse joalo. Ka lona lebaka leo o thibetsoe ho ba moreri. Le a bona, e ile ea lahlela marapo feela. Ke hona moo (kereke) metso ea joang ba eona e metse teng, ka ho Pentekosta, 'me eo ke metso ea joang. Ha ho Lengolo le e tšeheatsang. Le a bona? Joale, u etsang joale? U fumana mahleke a tšoanang le ao le a fihletseng morao koana Edene. Hlokomela, joale, ha re fihla Lentsoeng, u bua ka Lona . . .

¹⁷⁴ Ha ho motho ea ka hanyetsang Seo! Ke qholotsa mang ho e bua. Ho reriloe ka *Peo ea Noha*, bongata ba phatloloa ke eona. Ke kōpile monna ofe ho tla ba khahlana le 'na ka eona. Ha ke ba fumane.

¹⁷⁵ Mane Chicago nakoana e fetileng, le fumane litheipi, ba ile ba hopola ba ncchetse leraba la mofuta. Ba ne ba phuthile Mokhatlo o Moholo oa Bareri oa Chicago, Moena (Ke eng?) Tommy Hicks, Moena Carlson o ne a le teng. 'Me masiu a mabeli pele ho moo, Morena a ntsoa bosiu, a re, "Tloha u eme pel'a sefesetere seo." Ka tloha, 'me ho le sefefo. A re, "Joale, ba u chehetse leraba." A re, "Borakefeseng bona, u se ke ua tšaba. Tloha, Ke tla ba le uena." Joale, taba ena e ka Lebitso la Morena. Le ka ba botsa la fumanaa. E hatisitsoe litheiping, e boletsoe pele e hlaha: Ha thoe, "Joale, se tšabe ho ea, feela tloha u eme," ho re, "Ke tla ba le uena."

¹⁷⁶ 'Me tsatsi le hlahlamang ka kopana le Moena Carlson, hlooho ea khaolo mono, le Tommy Hicks. 'Me A mpolella ke tla kopana le bona re ee tulong e bitsoang "Town and County" borakefeseng. Ka lula fatše moo hantle feela. Ka re, "Moena Hicks, u ngaka ea khalalelo 'me re tlilo kopana le sehlophahali sa bareri mona, mokhatlo oa bona oa Chicago, hobaneng u sa ee ho mpuella? Ke u etselitse lintho tse ngata." E le ha ke mo leka feela.

A re, "Oh, nke ke ka khona, Moena Branham."

¹⁷⁷ Ka re, "Be, hобанeng ha u sa tsоеleppе?" Ka re, "Nka u etsetsa eng le eng, hобанeng uena u sa nkетsetse joalo?"

¹⁷⁸ A re, "Oh, nke ke ka khona, Moena Branham. Ba ke ke ba e mamella ka khutso."

Mena Carlson a re, "Che, ba ke ke ba khona."

¹⁷⁹ Ka re, "U tseba lebaka." Ka re, "E re ke u bolelle taba, ke kahobane lona, bobeli ba lona, le a tseba ba nchetse leraba la potso." 'Me ka re, "U e fumane." Joale, taba ena e hatsitsoe teiping. Haeba le batla teipi, re ka e fumana. 'Me le tseba banna bana bohle. Ka hona ka re, "Bosiu ba maoba, ke bone pono e reng re tla be re lutse mona hoseng hona 'me Tommy o tla e hanela." Ka re, "Joale hlokomela, u . . . u hirile phaposi eo ea hotele."

"E."

"Rente e se le lefuoe."

"E," Moena Carlson.

¹⁸⁰ "Empa u ke ke ua e baballa. Hoo ke HO RIALO MORENA!"

"Hobaneng?"

¹⁸¹ "Le tla ea tulong e 'ngoe. Eona ke e—ke phaposi e tala; rona re tla kenela phaposing e sootho. Ke tla be lutse koung; Ngaka Mead o tla lula ho le letona la ka; 'me moreri eo motsofe oa bamballa le mohatsae ba tla lula mona ho le letshali," kamoo e tla ba ka teng. 'Me ka re, "U shebe joale, tloo feela. U bone Molimo ha o folisa bakuli, ako Mo shebe ntoeng khetlo le leng!" Ka re, "O moholo, o a babatseha." Ka re, "Ako shebe lipotso feela u bone kamoo ho khutsitseng kateng."

'Me eitseha re fihla mono hoseng hoo . . .

¹⁸² Haeba le batla teipi . . . Jim, u e tšoere, athe ha u e-so tle le eona? Hantle mona, hantle mona, le ka fumana teipi ha le e batla, ea kopanong.

¹⁸³ Ka re, "Le nkoetletse eng na? Bothata ba lōna mathaka keng?"

¹⁸⁴ Moena Carlson a re, "Be, Moena Branham o mpoleletse masatsi a mabeli a fetileng re tla tšoara . . ." 'Me ha ba ka ba fumana moaho, ba o hlakola. Ha ba ba lumella ho e fumana hobane sehlopha sa 'mino se ne se se fumane 'me ha ba tseba ba tšoere dipositi tsa sona, eaba ba tlameha ho hlakola Borakhoebo. 'Me le ka tsoa tsoa le utloile molaetsa oa eona, Moena Williams mona, le mona, hape. 'Me—'me—'me a re, "Moena Branham o mpoleletse hantle moo motho e mong le e mong a tla be a lutse, le ho mpolella hantle se tla etsahala." Ho re, "Ntho e le 'ngoe," ho re, "Ke . . . boholo ba rona re ka hanyetsa Moena Branham ka Molaetsa oa hae, empa," ho re, "re tla tlameha ho amohela ho le hong, ha a tšabe ho O bolela," ka hona—ka hona a re, "ha a tšabe letho ka Oona." Ho re, "Joale, ke moo, Moena Branham."

¹⁸⁵ Ka re, “Joale, pele re qala, Ke batla monna ea itseng, mabapi le seo ke se buileng, ho nka Bibele eo le ho ema lephakong la ka mona.” Seo e le sehlopha se khutsitseng ka ho fetesisa seo u kileng ua se utloa. Ka re, “Joale, haeba le sa khone ho e tšehetsha, hlohlolohang mokokotlong oa ka! E. Baena, ke mona ho tla ema ke bapile le lōna ka mahetla, empa re tlameha ho khutlela linneteng tsa Bibele.”

¹⁸⁶ Ho re, “Hobaneng ho se—hobaneng hobaneng u sa tlohele basali bao? Oh, yaa, le a . . . batho ba u lumela u le e—e seboni sa Molimo.”

Ka re, “Ha ke eso rialo le ka mohla.”

¹⁸⁷ A re, “Empa batho ba lumela hoo.” A re, “Hobaneng u sa—hobaneng u sa lese basali bao?” Ho re, “Ho lesa ho ba joetsa ho hlophisa le ho apara le ho kuta moriri le linthro tseo ba lokelang ho li sebelisa. Hobaneng u sa itšole ho bona? Hobane’ng u sa ba rute ho amohela lineo le—le ho etsa lethoana thorisong ea Molimo?”

¹⁸⁸ Ka re, “Nka hla ka ba ruta algebra athe ha ba ithute nteteroane ea bona ea ABC tsa bona?” Ke hantle. U tlameha ho khutlela motheong qalo.

Molimo, re hauhele joale. E, monghali.

¹⁸⁹ Ke rona bana, nako ea bofelo! Lebone le lefubelu le bonesitse, le a halima! Ho Khutla ha Morena ho atametse. E, monghali. Mamelang! Molaetsa oa nako ea qetelo o tlameha ho khahlana le maemo a nako ea qetelo. Moo ba khelohileng teng, Molaetsa o tlameha ho e busetsa. Kamehla, Molaetsa oa nako ea qetelo o khahlana le maemo a nako ea qetelo. Ho pholletsa le Lengolo lohle. E tlamehile ho e phethisa khetlong lena, mokhotsi ho khutlela Lentsoeng la mantlha. Oh, khili! Joalokaha manqosa a mang a entse letsatsing, Molaetsa ona o tla lokela ho tšoana. Re tšepisitsoe seo! Molimo o e tšepisitse Lentsoeng la Oona! Malakia 4, e boletse hoba e tla hlaha, “Le ho busetsa Tumelo ea bana ho bontate.” E tšepisitsoe, ’me re phela letsatsing leo!

¹⁹⁰ Oh, haesale, khafetsa, sehlopha sa baetapele se ferekanya batho ka botlalo. Hakaalo ha se batho; ke baetapele ba ba ferekanyang. Joale ha re . . .

U re, “Oh, Moena Branham!”

¹⁹¹ Be, joale, motsotsa feela joale, taba ena re tlameha ho e khemisa le Mangolo. Haeba e se Lengolo, ha e molemo oa letho. Ka mantsoe a bona a bohlalefi, ka boetapele ba bona bo sa bululeloang, mantsoe a bohlale ba lefatše, ba . . . Khele, bahlalefi ba bang bao ba ka kopana, empa le hopola Satane le eena e se mohlalefi tabeng eo, hape? Na eena, be, ha a tla ho Jesu Kreste a Mo laetsa mabaka, ho Mo qotsetsa Lengolo? O e entse! O bohlale ka eona. Empa Jesu ha a ngangisana le eena, O itse, “Ho

boetse, ho ngoliloe! Tloha ho 'Na, Satane." E, boetapele bo sa bululeoang.

¹⁹² Shebang Kore, mohla Molimo o romileng Moshe ka molaetsa, 'me Kora le Dathane ba nahana, ho atamela Moshe, le ho re, "Joale, bea butle motsotso feela, u ipolaisa mosebetsi o mongata! U ikhopola u le eona feela naleli e pel'a khoeli; letata ka letšeng, ke uena feela. Ke u tsebisa hoba batho ba bang ba halalelang ba teng, hape!" Moshe ha a re ba ne ba sa halalele. Empa o ne a nkile thomo, a tlameha ho e phethisa. 'Me ba hlophisa sehlopha 'me ba tla ema kahlano le Moshe.

¹⁹³ 'Me Molimo oa mo laela, "Tloha ueme monyako." Banna bao ba ne ba kokositse libano letsohong la bona, 'me le tseba seo libano tseo li neng li ka se etsa. Modimo oa ahlamisa lefatše la ba metsa. Athe ba ne ba kokositse mollo o tsoang aletareng, ho eona. Ka mollo o ka har'a libano, ho latela thutamotheo ka bokhoni bo boholo, feela ba sitiloe ho elelloa molaetsa oo.

¹⁹⁴ Molimo oa re, "Ke roma uena, Moshe, tlase mane ho etsa sena. U ba tlise mona."

¹⁹⁵ Le a bona, ba sitiloe ho o elelloa. Moshe a hlile a "tsepame tlolo" ho bona. Joaloka Elia, nqa Sekolo sa Baporofeta, "a tsepame tlolo," ho tiisetra Lentsoe.

¹⁹⁶ Le lona batho ba Pentekosta, le ne le tlamehe ho ikhetha lefatšeng lohle, ho tiisetra Lentsoe ka kotloloho. Joale le honyelle morao nyeeng eo le tsoileng ho eona, le ntse le hoholeha! Le se ke la khaola ankora ea lona Kalvari. Itšoarelleng ka Lentsoe la Molimo, hoba "Holima lefika lena Ke tla haha Kereke ea Ka," ho Le tiisetra.

¹⁹⁷ Joale, Dathane 'me ba hopotse ba ne ba...monna e mong a ka ba teng. Le a bona, boo ke bohlale ba motho bo lekang ho sutulela menahano leanong la Molimo. Eo e ntle. Bohlale ba botho bo lekang ho sutulela menahano ea bona Lentsoeng la Molimo. E ke ke ea sebetsa! E ke ke ea sebetsa. Ha ho mohla e kileng ea sebetsa ebile e ke ke ea hlola e sebetsa.

¹⁹⁸ Shebang Jesu mohla A emeng moo, ho re, "Ke ofe ho lona ea ka Nqosang ka sebe? Ke ofe ho lona ea ka bontšang Ke sa etsa hantle seo Mangolo a Mpoletseng ke tla se etsa? Ke ipitsa Messia. 'Me ekareha Ke sa etse mesebetsi ea Ntate oa Ka, ka hona, le se ke la lumela ho 'Na. Empa ekare ha Ke etsa mesebetsi 'me le sa lumele ho 'Na, lumelang mesebetsi eo Ke e etsang, ke eona e Mpakang." Hantle feela. 'Me ba ne ba sa khone ho e lumela, ba ne ba batla litsela tsa bona.

¹⁹⁹ Mohlomong ha ba ikemisetsa ho etsa sena 'me ba fosahetse. Ha ba ikemisetsa...ha ke lumele motho a ka ikemisetsa ho etsa hoo. Ke fumana batho ba khabane kantle likerekeng tseo tse kholo tsa mekhatlo. Ke fumana monna ea lokileng. Empa ho joaloka ha leqoetha la seea-le-moea le buile, ha le ne le theohela mona, "Ntho e makatsang, ke kamoo tšebeletso ea bolisa e ka

emang sefaleng, 'me ba bona linako tsena li fihla, 'me ba sa futhe khalefo ea bona e halalelang, ea libe tsa lefatše!" "Me mohla leqoetha le tlamehang ho ema le rialo! " "Me phutheho e ka sebelisa chelete ea bona linqalang tsohle tsa mefuta tsa polokelo ea liphooftolo le lirapa tsa boithapollo, le linthong, 'me e sa tšehetse lenaneo la baromuo, ho isetsa lefatše Evangeli."

²⁰⁰ Holim'a baromuo ba lapile, ba sa roala lieta maotong . . . Alleluia. Ha ha ba tšehetsoe ke bolumeli, hobane, ka baka la kemo ea bona Lentsoeng la Molimo. Ha ba tšehetsoe ke letho. U ba fumana ba tšehetsoa ke ho hong mono, joale ba tshore eng? Seshobahali sa lithuto. Moromuo oa sebele, oa mannete, ea latetsoeng ke lipontšo, o tlameha ho itšetleha ka mosali ea hlatsaong liaparo ho ba bolokela licheletana tse 'maloa. Lemohang, ke eona.

²⁰¹ E ka ba ha ba ikemisetsa ho etsa . . . Be, empa bothata ba bona ke bofe? Ba foufetse. Jesu o boletse joalo. Hopolang, hopolang, Jesu o buile hona hoo. 'Me e ka re, kajeno . . .

²⁰² Joale mamelang, ke tšepea ke sa nyatse. Ha u etsa 'nete u se ke ua—u se ke ua ikutloa eka ke a nyatsa. Ke leka feela . . . ke—ke rata . . . 'Me haeba u sa etse . . . Ke—ke chesehella Kereke. Eena, mohlomong kereke ea bona ke Assembly of God, kapa eng feela, kapa—kapa ke—ha ke tsebe seo e leng sona. Eng . . . Ha se etse phapang ea letho ho 'na. Ke kereke ea Molimo. Ke seo e leng sona, ke a kholoa, ke kereke ea Molimo. Be, joale, bohle re loketse ho ba joalo, e seng mokhatlo oa kereke ea Molimo, empa re loketse re be Bakreste pelong. Kereke ea Molimo e ahile kahar'a marako, e seng lebitso, joalo—joalo.

²⁰³ Joale, kajeno ho theoa haholo holim'a taba ena, botho boo ke eona ntho ea bohloko ea batho. Joale, shebang Baptise ka tsoseletso ea eona. Oh, ba kile ba eba le eona. Ba ne ba iqapetse lepetjo ka '44, "Milione o mong hape ka '44." Melaetsa ea Billy Graham e ne e tsoela pele. Khele, ehlile, e e ile ea etsa ntho e kholo. Mamethodise, Mabaptise, Presbeteriene, ebile ntho e kholo, empa re fumana eng?

²⁰⁴ Jesu o itse ho Bafarisi, "Lona baetapele ba lifofu ba tsamaisang lifofu. Le parola maoatle ho etsa morutoana a le mong, 'me ke ngoana oa lihele habeli ho feta mohla a neng a qala." 'Me ke sona seo re se fumanang kajeno.

²⁰⁵ Billy Graham, mohla ke ne ke etetse borakefese ba hae Louisville, Kentucky, ho fihla holimo mono, leha moevangeli a ne a finne selelu ka thata, a re, "Ke a kena . . . Pauluse o itse . . . Mohlala ke ona." Ho re, "Paulose o ne a kena motseng a etsa morutoana a le mong, a khutle selemo hamorao a fihlele ba mashome a mararo ho tsoa ho eena." Ho re, "Ke kena motseng ke sokolla likete tse mashome a mararo, ke khutla selemo 'me ha ke fumane mashome a mararo." A re, "Bothata ke bofe?" 'Me ka tsota katamelo ea moevangeli. A ntša monoana oa hae mono,

mono ho lutse banna ba ka ba makholo a mararo, a re, “Ke lona mphi ea bareri ba botsoa.” A re, “Le lula ofising le fapantse maoto holim’ a deske, le letsetsa motho ka mohala, le mo kopa ho theoha le—le ho ingolisa kerekeng tsa lona. Le tlameha ho ba etela.”

²⁰⁶ Ka lula mono, ka nahana, “(Oho Molimo!) U a tseba, Moevangeli Billy, u monna e moholo. ’Na ke—’na ke sethoto. Empa na nka u botsa taba.” Ekare nka be khutlide ka re; empa ke—ke—ke tsota moena eo, ke hopola e le mohlanka oa Molimo. Empa ke ne ke lakalitse ho bua sena, “Ebe, Billy, ke moreri ofe ea setseng oa Pauluse morao?” Ho etsahetse eng? Pauluse ha a mo lumella ho phahamisa letsoho feela ho etsa qeto, o mo tataisitse ho fihla kolobetsong ea Moea o Halalelang, ho tukisa mollo moeeng oa hae, ‘me ha a khona ho ikhutsetsa.

²⁰⁷ Ke eona taba kajeno, ke botho. E. [Sekheo lebanteng—Mong.] . . . litho, litho tse kholo, littelase tse kholo tsa sekolo sa Sontaha, ho lefa motho ea ka sokollang a tlisa motho e mong moputso o moholo ho tloha kerekeng e ’ngoe, a fumane bongata. Le a tseba, boo ke Bofarisi! Le ho ithorisa haholo ka eona, “Re ba hlotse Sontaha se fetileng.” Haeba le fihlile moo le tlamehang ho fetola kereke ea Molimo peiso ea likhoto, joale ho fihlile nako ea ho koala menyako le ho khutlela hae.

²⁰⁸ Kereke ea Molimo ke ntho e phelang ea Molimo lefatšeng, ho bonahatsa Jesu Kreste. Ke a tseba hore ha E tuma, ha u a lebella ho ba joalo. Re lebeletse ho loka.

²⁰⁹ Ho ithorisa haholo ka eona . . . Empa, na le tsebile, lerata leo le leholo ha le a hahlamela moperfeta Elia. O utloile ho feta mollo le mosi, le lialuma le lehalima, le mali le oli, le ntho e ’ngoe le e ’ngoe, ha li a mo tšoenya ka letho. Le a tseba, Amerika ha e phetse ho batlana le ntho kholo e molumo o moholo. Empa Molimo ke “Lentsoe le lesesane le khutsitseng” le hohetseng moporofeta.

²¹⁰ Le a tseba, koloi e kile ea tsoa ea kena tšimong, e ntse e kolokoteha, e tlatsitse lerata ha e tsoela naheng. ’Me ha e khutla, ea feta litutulu tsona tseo e sa etse leratanyana, e ne e tletse lintho tse molemo. Le a bona? E.

²¹¹ Empa re tšetlehile boiphihlelo ba rona holim’ a lerata le molumo o moholo. Ebe re ka etsa joalo joang? Re ka etsa lintho tseo tse joalo joang? Oh, khili! Le ho qamachisa mahalihali a Hollywood kahare, ho hloellisa basali sefala, liaparo li ba khamotse ’me ba chachehisa nama, ba hobela ka moea. Ha ke tsebe hore ke moea oa mofuta ofe!

²¹² Ha ke a ikemisetsa ho nyatsa joale, ke—ke a—ke a . . . ke—ke a le rata. Haeba ke sa etse joalo, Molimo o tla nkahlola haeba ke koetlide sepheo sefe se sesele. Le a bona?

²¹³ Empa le fumana taba eo, le a bona. Ke hona moo Mapentekosta ritselitseng teng. “Re na le bongata bo fetang ba moena ea k’honeng.” Oh! “Re na le bongata bo fetang ba

Assemblies, hobane re Oneness, kapa re Matriniti, 'me re . . .' oh, *sena, sane*, kapa se *seng*, ba na le mefuta eohle—eohle e fapaneng ea litlapiso, le a bona. Oh, moena, hoo ha ho bolele *hoo* ho Molimo. O sebetsana le motho ka bomong. Hantle.

²¹⁴ Lemohang, marata a maholo, empa ha le a khahla moporofeta ka letho. Mopropeta ha a ka a tsotella lerata le leholo. Empa eitseha a utloa Lentsoe le lesesane leo le khutsitseng, a tseba hoba e ne e le Lentsoe, a ikhurumetsa sefahleho 'me a tsoa a tsamaea.

²¹⁵ Le a tseba, letsatsi le kha metsi a mangata metsotsong e leshome le metso e mehlano, le sa etse lerata ho hang, 'me rona . . . le lengata lera . . . athe re etsa lerata le lengata re kha galone ea metsi ho feta letsatsi ha le kha libarele tse milione. Ke hantle. Ha re phetse ho batla ntho e kholo le letomotomo le lengata la "hurra," le moferefere o mongata ho eona. 'Me ha ho tluoa tabeng ea ho nka Lentsoe, ntho ke ena e a hlahla. Le a bona? Tloo, 'me ba re, "Be, ho bokoe Molimo, ke a le bolella . . ."

²¹⁶ Ha se khale mona ha ke kopana le monna . . . Ha ke se bolele ho nyelisa, ke kopa le ntšoarele haeba ke . . . maikutlo a ka a e hlahisa ka ho thunthetsa. Ke ne ke etetse kopano ea tente 'me, moreri, moreri oa Pentekosta a tlisa mohatsae ho lets piano. 'Me eaba o ntsebisa mohatsae, ho bua 'nete, ka batla ke akheha. Mosali a le moriri o mokhutšoane ruri, o mangetse, le nthohali, masale a maholo, le littolo tse lekaneng molomong, kapa nyee eo, manala a takiloeng. Ekare o ne a . . . E shebahala e nyarosa; manala a maholo, a malelele a maholo, le joalo. 'Me a chachehisa nama; sekutoana, khutlela, mosana-peana, a sa khone le ho hulela holim'a mangole ha a lula fatše. Be, ka ema mono nakoana, 'me ka re, "Moena, na ke tla u utloisa bohloko ha nka bua taba?"

²¹⁷ A re, "Khele, ruri lekhale." Monna ea khabane, 'me o bonahetse e le mosali ea lokileng.

Ka re, "U re mohatsao ke mohalaleli?"

Ho re, "E."

²¹⁸ Ka re, "Tšoarela polelo ena, empa ekare 'ha se eena,' ho 'na," Ka re, u a tseba, "kapa ntho e kang eo." Ka re . . .

²¹⁹ A re, "U bolelang, Moena Branham?" "Oh," a re, "u tsoa sekolong sa khale."

²²⁰ Ka re, "Ke tsoa sekolong sa Lengolo. Ke hantle, sekolo sa Lengolo." Ha ke lumele mohalaleli a etsa joalo, nke ke ka e etsa feela, athe Bibele e e nyatsa hakana. Le a bona?

²²¹ Ho lokile, ekare, nako le nako, sohle tseo re se utloang, "ba fumane liqeto tse mashome a mane," "liqeto tse mashome a mane a metso e mene," "re fumane liqeto tse makholo a mararo." Che, ao ke maipolelo. *Maipolelo* ke "majoe." Ke hantle, hoba Petrose, holim'a maipolelo a hae, o bitsitsoe "lejoe, lejoana." Petrose,

mairolelo a hae. Joale, majoe a itoketse, empa lejoe le molemo ofe kapa boleng bofe moahong ho se 'metli oa majoe oa sebele mono ea nkileng sebetsa se bohale sa Lentsoe ho ba betla le ho ba etsa bara ba Molimo? Le a bona? Maipolelo a molemo ofe?

²²² Ka lona lebaka leo u a khutla 'me ha u fumane ba mashome a mararo har'a likete tse mashome a mararo. U mpa u phikolosa majoe leroleng, le ho a thethela mono, 'me ha a eso lokele tempele. Eka khona a betloe, ho lekanngoa ka Lentsoe la Molimo, ho kenngoa ka mono, ho teanngoa 'moho, ho hahoa holim'a motheo oa Thuto ea baapostola, Jesu Kreste Lejoe la Sekhutlo. 'Me A re, "Ea lumelang ho 'Na, mesebetsi eo Ke e etsang o tla e etsa le eena." Ke hantle.

²²³ Re ka ba Kereke joang athe re a khesana? O itse, "Batho ba tla tseba hoba le barutuo ba Ka, ha le ratana." Holim'a re sokollana 'me re qhaqha, ka lebaka la phapang ea mekhatlo... Ha ke e behe holim'a batho, ke e bea holim'a phutheho ea bolumeli. Ke hantle. Ha se batho ho hang. Le a bona? Oh, ho hobe haholo, koana ke...

²²⁴ U tlameha ho nka sebetsa sena se bohale, Lentsoe la Molimo, ho ba betla ho ba bara ba Moaho. Oh, khili! Thapeloa ea ka, "Molimo, akofisa Malakia 4. Re fe Molaetsa matsatsing a getelo. Re fe motho, romela se seng ho pholosa kereke ena ea Pentekosta."

²²⁵ Molimo o tla re romela lenqosa la mofuta ofe bakeng sa matsatsi ana a ho qetela? Ke tla u bolella sena, moena, khaitseli, joaloka ngoaneno le mohlanka 'moho le uena ea shebeletseng nako eo ho fihla, e ne e tla ba lenqosa le kang le tlileng mehleng e meng. Oa mofuta oo! O ne a tla khutlisetsa kereke Lentsoeng. Molimo, re mpe re bee motheo pele e fihla mona. Pele a fihla, a re beheng motheo re be majoe, a betliloeng, a loketseng ho ema lehetla le lehetla le eena mohla Molimo o mo romelang, hoba O tsepisitse hore O tla e etsa.

²²⁶ Joale, ke ea tseba, ke e utloa e khoboheloa. 'Me, hopolang, ka neonyana ke qhautsa moea oo, le a bona. Joale, le a khoboheloa, ha ke itse Malakia 4. Empa e reng ke le bolelle taba. U itse, "Jesu o itse, 'Haeba le ka e amohela, enoa ke Elia ea boletsoeng.'"

²²⁷ Empa ha le ka bona seo A se buileng ho—ho—ho Santa Mattheu, khaolo ea 11 le temana ea 6, "Haeba le ka e amohela, ke eena ea boletsoeng, ha ho itsoe, 'Ke romela lenqosa la Ka ka pel'a sefahleho sa Ka.'" E ne e le Malakia 3, ha se Malakia 4.

²²⁸ Hobane, ho Malakia 4, O itse, "Pele ho letsatsi lena, lefatše le tla chesoaa le batho ba tsamaee holim'a lona; ho chesoaa joaloka litlhakoa." Ke hantle. Mohlang oo O ne a bua ka moromuoaa ka pel'a sefahleho sa Hae, eena e le Elia, e reng...

²²⁹ Ke—ha ke ke lumele nyee ena eohle e etsahalang tikolohong ea kobo ea Elia le linyee tseo tsohle. Ke... Mafosisa ao 'ohle a tlameha ho fihla, ehlile, ho sitisa ntho ea 'nete mohla e fihlang.

Empa, e reng ke le boelle, ho tla hlaha lenqosa qetellong ea mongoaha ona oa Pentekosta le ho qetella ntho eo. E tla ba monna. Ha se sehlopha, ha se bolumeli; empa monna. Esale ho le joalo, 'me Molimo o ke ke oa fetola lenaneo la Oona, Ke Molimo oa Bosafeleng.

²³⁰ Hopolang, efela haeba lenqosa leo (Johanne) e ne e le lenqosa la Malakia 4, ekaba Mangolo a robiloe, hoba A itse, “E ne e tla . . . lefatše le ne le tla chesoa joaloka litlhaka, ‘me ba lokileng ba tla hatakela molora oa bakhopo.” Ka hona Le baleng, le bone haeba e sa loka. Le a bona? Empa Jesu ha a rialo le ka mohla, O ne a lebisitsie ho Malakia 3, “Ke tla romा lenqosa la Ka pel’ a sefahleho sa Ka, ho hleka tsela pel’ a Ka.” Ke hantle feela.

²³¹ Joale, empa hopolang, le leng lena le ne le tla busetsa tumelo ea bana ho bontate, ho busetsa tumelo ea bana morao Tumelong ea bontate, Bibebe ea mantlha.

²³² Ke hantle seo Moshe a se entseng. Ke hantle seo Jesu a se entseng. Ke hantle seo lenqosa ka leng le se entseng ho haola le Bibebe, qetellong ea lekhathé leo, ba busetsa molaetsa hape. Batho, ka mekhatlo le lintho tse joalo, ba ile ba futahana le ntho eohle, matsatsing ao.

²³³ Ba entse ntho e tšoanang kajeno! Kahoo re shebeletse lenqosa. (Molimo, mo romele!) Na le hopola re tla mo amohela? Che, monghali! E tla ba “lehlanya le hlaha,” ka sebele bo, empa Molimo o tla mo paka. Molumeli oa sebele, bao ba reretsoeng Bophelo Bosafeleng, Jesu o itse, “Bohle bao Ntate a ’Nneileng bona ba tla tla, ‘me ha ho motho ea ka tiang a sa huloe Ntate oa Ka pele. ‘Me bohle bao Ntate a” (lekhathé-le-fetile) “bao Ke ba filoeng, ba tla tla.” Ke hantle, ba ne ba . . .

²³⁴ Ha ke lumele thuto ena ea Baptise mona ea—ea tšireletseho ea Bosafeleng. Ke e lumela ka mokhoa, empa ke lumela u bolokehile ha u le kahar’ a Kereke feela. Empa ha u tsoa . . . tsoa tlas’ a Mali a Jesu Kreste, ha u a sirenletsoa. Ke sirenletsoe puleng ha ke le ka mona feela.

²³⁵ ‘Me ha u kolobeletsoa ho Moea o Halalelang le ho re u na le Moea o Halalelang, u ntano latola Lentsoe la Molimo? Ho re u lumetse ‘me u amohetse Moea o Halalelang, ‘me u ntano latola hore Lentsoe ke ’neta? Ebe hoo e ka ba Moea o Halalelang joang athe ke Oona O ngotseng Bibebe? Moea o Halalelang o latola Lentsoe la Oona ka Sebele, ho re, “Ke—ke ne ke fositse, uena u nepile”? Che, ha se ha se Molimo oo. Che, monghali.

²³⁶ Sabole e bohale! (Morena, re romelle Molaetsa o moholo.) Ke sona seo re se shebeletseng. Joale, ehlile, ha a fihla a hlophisa majoe ao le ho a betlela mohaho, ho tla etsahala’ng? Bongata ba bona bo ke ke ba mamella teko ea Lentsoe. Ba tla rata mokhatlo oa bona ho feta ho rata Lentsoe la Molimo, leha koana Lentsoe leo le netefatsoa ke monna eo. E tla ba moporofeta ea tiang

ka Lebitso la Morena, 'me e tla ba eena ea tlang ho tla holima lefatše. Ke a e lumela.

Oh, e mong le e mong o re, "E tla ba sehlopha sa batho."

²³⁷ Ke batla motho a mpontše ka Bibeleng moo e tla ba sehlopha sa batho; Molimo o ka roba Lentsoe la Oona ka Sebele, O ke ke oa etsa hoo. Che, monghali. O tsepisitse sena. E tla ba monna a le mong. 'Me hape ba bang ba tla ba le eena, ehlile, likete, balumeli bohole ba Kereke ba tla ba le eena, hohle.

²³⁸ Joaloka matsatsing a Nohe, ho ke ke ha bolokeha bongata, hobane Jesu o itse, "Joalokaha mehleng ea Nohe." Na le tseba seo? "Joalokaha mehleng ea Lota," (ba baleng) "ho tla ba joalo."

²³⁹ "Maholimo le lefatše li tla feta, empa Lentsoe la Ka le ke ke la feta." Le bona seo ke se bolelang? Oh, moena, molemo ke ho itekola, e ka ba morao ruri ho feta kamoo re nahangan. Re ka tsoha ka letsatsi le leng ra iphumana re fositse ho hong. Ela hloko! Lebela, rapela, hlahloba, tsoma, u se ke ua E lumella ho u feta holimo. 'Me, hopolang, ha Lentsoe la Molimo le reroa, Molimo o tlamehile Lentsoeng leo 'me o tla Le netefatsa.

²⁴⁰ Ho tseba seo A se buileng mono, ho etsahetse'ng mehleng ea Lota? O itse, "Joalokaha mehleng ea Lota." Ho etsahetse'ng mono pele mollo o theoha? Ho tla etsahala'ng hape pejana mollo o theoha, Kereke e tla fumana molaetsa oa mofuta ofe? E seng Sodoma joale, Kereke e khethiloeng. Baballa boraro boo feela: Basodoma ke bao; e ntoo ba Lota le sehlopha sa hae, kereke e fofo; ho be le Abrahama, Mokhethoa. Bohle ba bararo ba fumane molaetsa, e, ka manqosa a fapaneng. Le shebe mofuta o ileng Kerekeng e khethiloeng, seo A se entseng ho Abrahama. Jesu o itse, "Ho tla ba joalo le ho tleng ha Mora motho." Joale, re ke ke ra latola seo, ke seo Jesu a se boletseng hantle. Kahoo, ehlile ho tla ba joalo.

²⁴¹ Joale, bongata...mohla Jesu a tlileng 'me a tlisa teko le ho re, "Batlisisang Mangolo, hoba ho oona le lekanya hoba le na le Bophelo Bosafeleng, athe ke oona a Mpakang," ana ba khonne ho emela teko? Che. 'Me mang oa tseba, maipolelo 'ohle a majoe a sa mamelleng teko ea Lentsoe a bokelloa qubu. A ngamohile, metsi a lutla, a sitoa ho mamella teko. Oh, monna, a ntoo isoa qubung ea matlakala! Molimo haesale o bala semelo sebakeng sa lipalo.

²⁴² Ke a koala. Ke masoabi ha ke le liehisitse nako ena eohle, ke ne ke sa ikemisetsa ho etsa sena. Ntumelleng feela e-e motsotsso, e 'meli, ho etsa tlhahiso ena ea ho qetela, ke ntoo koala motsotsong feela. Ke a tsepa ke—ke—ke buile lethoana ho le thusa, le a bona, ho le thusa ho ithuta. Le a bona?

²⁴³ Molimo haesale o bala semelo, e seng litho. 'Me kajeno re fapanya lintho. Re bala litho, moaparo o motle, batho ba lefang hantle, sebakeng sa semelo. Uh-huh.

²⁴⁴ Eliezere o ile a fufuleloa, ho fihlela a fumana semelo. Ke hantle. Ebe o ne a tla fumana mang? 'Me o ile a tsepa Molimo. Semelo sa eng? Semelo bakeng sa Isaaka, monyaluo, etsoe Kereke e le papiso ea hae. Le tseba seo. E ne e le peo ea Abrahama ka nama; ena ke Peo ea Abrahama ea borena. Be, haeba Eliesere, lenqosa a ile a tsoma monyaluo a leka ho fumana semelo, haeba monna eo a fihla, lenqosa la letsatsi la ho qetela, le lekang ho fumanelo Kreste Monyaluo, a ke ke a batlana le maloko a mokhatlo oa bolumeli. O tla batla semelo se ikemiselitseng.

²⁴⁵ Shebang! Semelo se setle pele, e ntano ba ho mo hlophisetsoa ho kopana le Isaaka. Hoba a fumane semelo, e ntoo ba ho mo emisa halelele ho lekana ho mamela molaetsa oa hae oa Isaaka.

²⁴⁶ Leo ke lenqosa la matsatsi a qetelo, Leseli la mantsiboea, ke ho fumana Kereke eo pele (ba tla lumela Molaetsa kae?), ho e tsoma. Na le ka bala seo ke buang ka sona? Ho tsoma moo Kereke eo e leng teng e tla u lumella ho kena, e ke keng ea khahlela lemati sefahlehong sa hau. 'Me hape ha u etsa mono, u tla be u fumane semelo. Joale haeba a ka ema nako lekaneng ho 'molella kamoo Monyaluo eo a tlamehang ho apesoa kateng! O tlameha ho apesoa. Emang le khutse! Holane a ka fumana . . .

²⁴⁷ Shebang Rebeka e monyenyan ea mametseng lentsoe le leng le le leng, peloana ea hae e ne e tobolaka. A . . . O—o ne a 'molella. Joale, u hutse ka falese, "Ke tla ea kae?" ho fihlela ke fumana semelo. Etlareha ke fumana semelo, ke ntoo mo emisa nako e lekaneng ho mo hlophisetsoa ho kopana le eena. Oh, khili, ntho e tsotehang bo! (Ea ka re ka fuoa nakoana e fetang moo.) Ho mo hlophisa; ho ema ka khutso feela ho mamela molaetsa oa hae ka eena. Eliezere o ne a sa bue ka eena, empa o ne a bua ka ea mo romileng. 'Me o ne a tsoere limpho ho paka a rometsoe ho ke eena. Amen! O ne a batlile ho mo apesa ka lintho tsena. Le tseba kamoo a ileng a mo hlophisa kateng.

²⁴⁸ Ha nka etsa hore a hlatsoe sefahleho sa hae! Le a bona? Le a tseba, ke—ke utloile ke hlahlobjoa tabeng eo, nka mpa ka khutsa. Leha ho le joalo, ke buile ho lekane, le tseba seo ke buang ka sona. Ho lokile, mamelang, emang le khutse feela.

²⁴⁹ Hlokomela, moromuo oa nako ea ho qetela, mosebetsi oa hae e tla ba ho lokisa bahalaleli, Monyaluo ho lokisetsa Monali. E tla ba Molaetsa oa hae oo. Joale na u batla ho ithuta di-ABC u tle u ithute algebra hamorao? Mohla ho manolloang litiiso tse ling tsena tse ka morao li tla senoleloa bona feela. Ke hantle. Ithute ABC pele. ABC ke eng? "Lumela Kreste Kamehla," (e seng tumeloana ea hau), Kreste. Le a bona? Lumela seo A se buang, e seng seo motho e mong a se buang.

²⁵⁰ Haeba e fapane, ha monna a u bolella, "Ho itoketse ho lona ho kuta moriri oa lona, basali," le a tseba hore o leshano. Bibele e re e ho phoso. Haeba a re, "U ka behoa motikone u ntse u na le basali ba bane kapa ba bahlano," o bua leshano. E khahlano le

Lentsoe. Le a bona? Lintho tsena tse ling tsohle tseo re buang ka tsona, li fetiseng Lentsoeng ho bona haeba e le Lentsoe hantle.

²⁵¹ Ho khutlisetsa kereke Lentsoeng. Joale, lenqosa lena la Malakia 4 le lokela ho etsang? Ho khutlisa Tumelo ea mantlha, Tumelo ea tsoho. Ke ho re, ba bone Jesu hoba A tsohe bafung, ba 'Mone a sebetsa har'a bona.

²⁵² E le banna ba mantsoe a seng makae. Ba tsoile 'me ba rera Lentsoe. Oh, ba rerile nako e telele, Pauluse o rerile bosiu bohle khetlo le leng. Le a bona? Monna a ba a oela kantle ho mohaho, a shoa. A mo hamarela ka 'mele, a mo busetsa bophelong hape, le a bona. Le a bona? Le a bona, a tsoelapele ho rera.

²⁵³ Joale, elang hloko hore e ne e le banna ba fapaneng le seo Ph., L.L., Q.U.S.T., le seo le batlang ho se bitsa eona, ke kajeno. Eng? Ho arola lenqosa le... Molaetsa, ke rialo, ka lenqosa, o tla khetha balumeli ho bomosalumele. Ba bang ba tla tsepama le Lona, feela ba bang lekhale. Maluthere a mang... Makatolike a mang a tsepama le Luther, a mang lekhale. Maluthere a mang a ile a tsepama le Methodise, a mang lekhale. Ba bang ba tsepama le Pentekosta, ba bang ba ke ke bo. Ba bang ba ipapisa le Leseli la mantsiboea, ba bang ke ke bo.

²⁵⁴ U tla tseba ka'ng ha e le Leseli la mantsiboea kapa che? E leke ka Lentsoe (e seng Lentsoe le le *leng* feela, Lentsoe *lohole* le kopantsoeng 'moho), ho bona haeba e lokile kapa che. Oh, se kahar'a eona ke'ng? Efela ha Molaetsa ona o hlahisa netefatso ea Molimo ho phethisa seo A boletseng A tla se etsa, 'me e tsepame le Lentsoe, e tla ba Lentsoe le netefatsoa joaloka mehleng e meng le joalokaha liporofeto tse ling li entse.

²⁵⁵ Le ele hloko ha Molaetsa...neng...Le ele hloko ha Molaetsa o latoloa ke batho, 'me lenqosa le bonahala le hlotsoe ka botlalo, ha le khone ho fumana monyako o mong, ha le fumane sebaka.

²⁵⁶ Joaloka Morena oa rona a ne a le joalo. Hopolang, mohla A ne a... Oh, mohla A neng a folisa bakuli, Moporofeta e mocha, "Oh, khili! Ke Mothaka e moholo!" "Lumela, Rabbi, u phela joang?" Empa ka tsatsi le leng A lula fatše le ho qala a ba bolella 'Nete. A fumana mohau ho kereke, batho. Likete tsa Mo latela. O ne a e-na le baruti ba mashome a supileng ba Mo teetseng hare, ntle le ba leshome le metso e mmeli. Empa tsatsi le leng hoba A fetole bohobe...kapa ho fetola e... atise mahobe, ho paka hoba E ne e le Molimo, hoba ke Molimo o inotši o theotseng bohobe Leholimong. Yaa. Le a bona? Oa atisa mahobe. 'Me hang kamora moo... O ne a tsamaile holim'a metsi, ho etsa mehlolo, le ho etsa lintho tseo A li entseng, ho paka hore E ne e le eena.

²⁵⁷ 'Me hape, hoba A etse joalo, A lula a qala ho bolella batho ka thata. Batho ba ile ba furalla. 'Me ba mashome a supileng a re, "Uh! Ke mang ea ka utloisisang See? Ke polelo e boima.

U qhaqha seo re hlileng ra se hopola e le ntho e itseng. Joale, U mang uena ho re bolella lintho tsee?" 'Me ba ngala.

²⁵⁸ Eaba Jesu o retolohela ho sehlotšoana sa Hae, joaloka matsatsing a Nohe, joaloka matsatsing a Sodoma, ho re, "Ana le batla ho tsamaea, le lona?"

²⁵⁹ Ebile Petrose o bua mantsoe ao a maholo, "Morena, re ka ea kae?" (Molimo, re thuse.)

²⁶⁰ Le hlokomele mohla Molaetsa o latoloang 'me lenqosa e ka le hlotsoe, ke mohla Molimo o hatang temeng, Molaetsa oa hae o felile.

²⁶¹ Nohe, (ho koaleng joale), Nohe o rerile monyako oa areka ea hae lilemo tse lekholo le mashome a mabeli, ho fihlela, qetellong ba mo tšeha ba mo soma, Nohe a kena arekeng a hopotse hobane... ho tla be ho itoketse. Molimo oa koala monyako. 'Me batho ba ile ba lika-lika ho bona se tlang ho etsahala. A lula mono matsatsi a supileng a hula ka thata, 'me ka letsatsi la bosupa pula ea theoha. Uh-huh.

²⁶² Moshe, o ne a le ka hare ho eng? Tema ea mosebetsi, a eteletse batho pele. Leoatle le Lefubelu la mo eta pele. A fihlile qetellong ea tsela ea hae. Ke hona mohla Molimo o ttileng ka moea oa Botjhabela o phetla leoatle, qetellong ea tsela.

²⁶³ E ne e le Daniele, ea emetseng molaetsa oa hae, "Nke ke ka itšilafatsa ka lefatše la khosi enoa." Ho ema ka botšepehi ho Molimo, a fihlile hantle qetellong ea tsela ea hae, ea ka pheletso ea nako ea hae e fihlile, ba mo lahlela lemeneng la litau. Molimo oa hata oa kena temeng.

²⁶⁴ 'Me hoseng ho hong, tlase-tlase Babilona... Amen! Ke talima Leholimong, ke bona e—e Terone, Mangeloi a teetse hare. Ho sheba tlase mona Babilona, ke bona e—e sebopi se tukang. Ke bona mono ho eme bana ba bararo, ho re, "Molimo oa rōna o bokhoni ho re loela." Le a bona? "Empa ha re khumamele setšoants̄o sa hau, hobane se khahlano le Lentsoe." Le a bona? "Re eme mona."

²⁶⁵ "Ho lokile," ho rialo khosi, "nyolohang methati, le tlil'o chesoa." Seqhobane se makhisa, se ntlheng ea lerumo lena, ke bana ba nyoloha methati, khato ka khato, lebatama le eketsa ho chesa le ho chesa.

²⁶⁶ Ke bona Lengeloi le eme, le leng, lehlakoreng la Terone, la phamola sabole la tsomula, ho re, "Ntate, sheba tlase mane, ho etsahalang! E re ke theohe, 'na ke Gabriele, ke tla fetola tema eo."

²⁶⁷ "Busetsa sabole ea hau selateng, Gabriele. Esale ke e shebile."

²⁶⁸ Le leng ke lena le nyoloha, ho re, "Ntate, ke Lengana, ke motimetsi ka metsi. Mehleng ea moroallo, motho o kile a sitoa a sotla sechaba sa Hau, 'me ka—ka fetola lefatše lohle polokoe

ea metsi. Ke tla hohola Babilona 'mapeng hoseng hona. Ntese ke tsamaee."

²⁶⁹ "Ke a u tseba u ka khona, Lengana, u Lengeloi le tšepehileng. Le a bona? Empa, Nke ke ka u lumella, ona ke mosebetsi oa Ka. Ke tla ea, ka Sebele."

"Mona, Na U ba bone?"

²⁷⁰ "Ke ba shebile bosiu kaofela. Ke utloile tšebeletso ea bona ea thapelo. Ke bone kemo ea bona Lentsoeng la Ka. Ke tla fihla teng ka nako." Oh, khili! Ke 'Mona a phahama 'me liaparo tsa Hae tsa bokhosi li Mo teela hare, joalo, le ho re, "Tloo koano, moea oa Bochabela, Leboea, Boroa, Bophirima. Kenang tlas'a sealuma seo sa selelekela koana, Ke tla u kalla sa koloi ea ntoa hoseng hona. Ke theoha ho kena Babilona, Ke til'o fetola maemo." Oh, moena, O ile a fihla mono ka nako!

²⁷¹ Leihlo la hae bona serobele 'me ke a tseba O nkilositse. O sa ntse a shebile le bosiung bona, o nkilositse, O ntse a u alositse. O shebile haeba re tla ema kapa che, re tla tla etsa liqeto life, haeba re tla ema ka botšepehi Lentsoeng kapa ho tloha ho Lona. Ho phirimile ho feta kamoo le nahananang.

²⁷² Jakobo, tseleng e khutlelang hae, a susumelitsoe ho khutlela hae, moena oa hae a tla khahlana le eena. Oh, empa bosiu bo bong a betana le Molimo. O ne a tšaba ho khahlana le moen'ae, empa hoseng ho hlahlamang keha a hloka tšabo, e le khosana e qhiletsang. "Ha ke hloke Esau le lebotho la hae, kapa hofe," Molimo oa hata temeng. Le a bona, O sebetsa ka tsela e mohlolo.

²⁷³ Jesu, ea khesitsoeng, ka mora ho ba Mora oa Molimo ea netefalitsoeng, ho re, "Ha Ke sa etse mesebetsi ea Ntate oa Ka, le se lumele ho Na." E ne e le Leseli la letsatsi leo (E sa ntse e le Leseli!), ho hata temeng. 'Me batho, ha feela A ka khona... bohobe le lihlapi le linkhoa, ba Mo latela. Empa mohla A qalang a ba bolella 'Nete ea Lentsoe, ea ba arola, ba tiisetsa meetlo ea bona eo ba neng ba e tsitlalletse. E ne e le khahlano, koana le a tseba hore O ne a eme le Lengolo hantle. Empa mahlo a foufetseng a lefatše a sitiloe ho E bona; le joale ha ba khone, le mongoaheng ofe ha ba khona, ke rialo, ka kakaretso. Ho etsahetse'ng? Ekare O ne a hlolehile.

²⁷⁴ Le a hlokomela, ho tloha nakong eona eo, botumo ba Hae ba qepha ho Eena. Neng? Mohla A neng a qala ho ba bolella Lentsoe. Mohla A neng a tloha ho tšoara—e litšebeletso tsa pholiso le matšolo, bohole ba Mo batlile, "Oho Rabbi, tloo koano!" 'me, "Rabbit, tloo koano!" Empa mohla Thuto ea Hae e qalang; "Oh, Thuto ea Hau e tšoenya batho ba rona." Oh, mohau! "Oh, nke ke ka hlola ke U lumella kerekeng ea ka, Rabbi, hobane, khele, U ferekanya batho ba rona, Thuto ea Hau e hohlana le seo re se lumelang." Ha e-so fetoh. Le a bona? Lekhale. Yaa. "Nke ke ka U mema, Rabbi!" Leha koana A netefalitsoe, a pakiloe ke Mangolo hoba E ne e le Mang, koana ba sitiloe ho E lumela.

²⁷⁵ Qetellong A tsoella ho fihlela motsotsong oa ho qetela, mohla Satane a hopotseng “Ke Mo fumane,” a Mo thakhisa sefapanong. Ho theohela, tlase, tlase, tlase, ho fihlela qetellong ba hopotse hobane ba Mo fumane, ba Mo khohletsa lebitleng. Empa ke mohla Molimo o neng o hata temeng. O ile tsoha lebitleng! Hobaneng?

²⁷⁶ Ntho eona eo, Pauluse, o itse, “Tsohle . . . Demase o ntahlide. Batho bohle ba ntlhobohile ka baka la Lentsoe.” Ha ke lumele Demase a ile littlelapong tsa bosiu le linthong. Empa Demase o ne a batlile ho tsamaea, Demase e ne e le monna oa morui. ‘Me a batlile ho tsamaea le sehlopha se tummeng, eaba o tloha a ea moo bohle ba ileng teng. Eaba Pauluse o re, “Batho bohle ba ntlhobohile.” Hobaneng? Bosebeletsi ba hae, o finyella lejoesekoahelo la bona, ho theohela qetellong.

²⁷⁷ Takatso ea hae e le ho ba moshoela-tumelo hoba a bolaile Setefane, o pakile lefu la hae ‘me a le chaella. O ne a batla ho shoa. Mohla e . . . Agabuse, moporofeta ea hlokomelehang, a ema pela hae a mo eletsa ho se nyolohele Jerusalema, a re, “Ha ke tsebe ho se ee. Empa ha ke a ikemisetsa feela ho ea, ka mahlaahlela le litlamo, Jerusalema, empa ke itokiselitse ho ea shoela Morena Jesu.” E ne e le eng? O ne a tiisa bosebeletsi ba hae.

²⁷⁸ Oho Kereke ea Molimo o phelang, re ka bua bosiu bohle. Re tla tiisa Molaetsa oa rona joang? Re tla e etsa joang? Molimo, re thuso ho nka Lentsoe lena, ho ema ka sebete. Ke mpe ke shoe ka Lentsoe; ho phela ka Lentsoe, ho shoa ka Lentsoe. Ho hasanya Leseli, hoba Leseli le tla chaba nakong ea mantsiboea. Re horeng eo, metsoalle. Ha re E lumeleng, re sa inamisa lihlooho tsa rona.

²⁷⁹ Pele, ke kopa tšoarelo ho le liehisa hakana, lihora tse peli hantle, hora le metsotsa e mashome a mane a metso e mehlano, Ke nahana, ka nepahalo. Ke tšepa ho se letho le khopisitseng. Ha re a lokela ho khopisa. Seo, ha taba eo e le ho rona—haeba e lutse pelong le soule ea rona, re phoso, ka borona, haeba rona bareri re bua lintho tseo feela, baena beso mona, banna bana ba tletseng Moea o Halalelang. Le a bona?

²⁸⁰ Mohla ke ne ke pholosoa ke phethetse molisa oa ka oa Baptise hore ke amohetse Moea o Halalelang, le lintho tsena tsohle, tsena . . . ‘me Lengeloi la Morena le mpoleletse ho etsan’g, a re, “U tlameha u ile ua tšoaroa ke sesitahlohoana, Billy.”

Ka re, “Ngaka Davis, ke bone Lengeloi.”

²⁸¹ A re, “Oh, bosaoana!” Ho re, “Ke—ke ea liabolosi.” Le a bona? Oh, khili, ea nkutloisa bohloko hle! A re, “Uena u tla rerela likhosí le batlotlehi?”

Ka re, “Ke seo A se buileng.”

A re, “Ka thuto ea garata ea bosupa?”

Ka re, “Ke seo A se buileng.”

²⁸² A re, "U nahana hore ke mang ea tla mamela? Ho tsoa ho ea rera pholiso ea Khalalelo letsatsing le kang lena, khabareng ea lipatlisiso tsohle tse khabane tsa bongaka le lintho tse joalo?"

Ka re, "Ha ke tsotelle mono ho eme bo-Goliathe ba ba kae."

A re, "U nahana hore u tla mameloa ke mang?"

²⁸³ Ka re, "Ha Molimo o fela o nthoma, o teng motho ea tla nkutloa."

²⁸⁴ Mohlang oo ke ne ke sa tsebe letho ka lona batho ting. 'Me ha ke fihla ho lona, ea ka re ho khoesa seatlana letsohong, ke ngomelana le lona hantle. Ke a le rata. Ke a le rata. Ke rata baena beso balebeli. Le hopola Mopresbeteriene, Methodise, kapa Moluthere, ba ka bula kereke ea bona joaloka moena enoa boisung bona, ho re lulisa mona le ho rera molaetsa oa mofuta ona? Che, monghali, lekhale. Bana ke banna ba linatla ba lumelang 'Nete. Joale ipapiseng le bona ka Lentsoe, le a bona, suthelang hole le lintho tsa lefatše.

²⁸⁵ Likhaiseli, moriri oa lona o hole. Le apare mese ea lona, ka hlophheho le ka makhethe. Ha u soabe. Hlakola ferefene eo sefahlehong sa hau. Le a bona? Le fumana Lengolo le lengata ka ferefene ho feta ho kuta moriri oa hau. Ke hantle. U se ke ua e etsa. U se ke ua e etsa. Bibebe e boletse e le ntho e sa tšoanelang mosali. Moriri ke khanya ea hae. Joale u re, "Ke nthoana e nyenyane eo." Ho lokile, ha re tloseng lintho tse nyenyane tseleng ke moo re ka buang ka lintho tse kholo. Ha re qaleng hantle.

²⁸⁶ Joale, baena. Oh, khili! E reng ke bue ntho e le 'ngoe ho monna. Mohlomphehi, moena ka, ha u lumella mosali oa hau ho etsa ntho e kang eo, U a soabisa, athe u itlaleha u le monna ea tletseng Moea. Ha u hlajoe ke lihlong, ho lesa mosali oa hau ho tsamaea seterateng.

²⁸⁷ 'Me moaparo oa hau 'ohle o chachehisang nama, le ntho eohle joalo, 'me na u a tseba Bibele e boletse, Jesu o itse, "Ea shebang mosali ho mo lakatsa o febile le eená"?

²⁸⁸ U re, "Joale bea butle motsotsa, moena oa ka, ha ke molato." Le 'na ke lumela u le joalo, khaiseli ea ka, ha u molato oa ketso ea tlhaho. Empa haeba u ipepesa 'me moetsalibe a u sheba, 'me u ipepesitse joalo, ea molato ke mang? Ke uena, ka ho ipepesa. Ke moo ka letsatsi la Kahlolo, mohla moetsalibe eo a arabelang bofebe, o febile le mang pelong ea hae? Uena! Hobaneng? Hobane u ipepesitse. Joale, eo ke 'Nete feela.

²⁸⁹ Na u ke ke, na u ke ke, khaiseli, hle, ka Lebitso la Jesu, na nka u kopa joaloka moena oa hau, ho tsepama?

²⁹⁰ Moena, ke lihlong ho uena ho laola lelapa la hau joalo, tsepama. Ke—ke na le litšepo tse fetisang ho uena joaloka monna. Le a bona?

²⁹¹ Balisa ba lumellang batho bao ho kena, ho nka batikone le ntho eohle le mesebetsi e kang eo, ka basali ba babeli kapa ba

bararo ba phelang, le lintho, ha u hlajoe ke lihlong, moreri? Na lintho tseo ha li u hlabise lihlong? Le ho kenya litho tseo ka mono athe ba phela bohlola, le ho tsuba lisakerete, le ho etsa tsohle, 'me le ka mohla ha e boleloe kalaneng. Ha u soabe! Ke—ke—ke a u rapella, moena.

²⁹² Molimo a le hlohonolofatse. Ke leboha mamello ea lona ho mamella. Joale, ke a ipotsa....

²⁹³ Leseli la mantsiboea le tlie. Leseli la mantsiboea a teng mona, morao Lentsoeng.

²⁹⁴ Joale, ka lihlooho tsa rona tse inamisitsoeng, lipelo tsa lona tse inamisitsoeng, ipotse potso ena, "Na ke lekana Lentsoe lee? Na ke etsa joalo?"

²⁹⁵ Thapelo ea ka, ho tsoa kalaneng, "Oho Molimo, nkhethule hohle ho sa tšoaneng le Uena. Oho Molimo, tlosa ho 'na." Re fihlile tlase mona qetellong ea tsela.

²⁹⁶ Ho lokile, na u ka tšepahala hakaalo ho phahamisa matsoho a hau le ho re, "Molimo, khethula ho 'na tsohle tse sa tšoaneng le Uena. Nketse, Morena, mpope, o nketse"? Morena a u hlohonolofatse.

²⁹⁷ Motho ea sa lokang ha a le teng, 'me e le moetsalibe 'me a thekeseletse ka mona bosius bona, 'me a eso amohele Kreste joaloka Mopholosi, kapa mokoenehi kapa ho hong, 'me a batla ho khutla, u mengoa ho tla ema aletareng mona. Ha u lumela hoba Molimo o tla utloa lithapelo tsa ka bakeng sa bakuli, ke a lumela O tla nkutloa. 'Me 'na le lona 'moho ha re beha tumelo ea rona holim'a Sehlabelo, Jesu Kreste, Mora oa Molimo, le ho nyehela thapelo, ke lumela Molimo o tla utloa. U memeloa ho tla le ho emela thapelo.

²⁹⁸ Joale, Ntata rona ea Leholidong, re U nehela letšoele lena, mantsoe ana a maqalika, a nkileng nako e telele, Morena. Bongata bo se bo khathetse ba tepeletse, 'me ba ile hae, 'me mohlomong ba bang ba hlabebole, 'me, Morena, ha ke—ke khone ho bolela ba mokhoping ke bomang ka linako tsohle. 'Me, holim'a tsohle, Ntate, Ke Lentsoe la Hau 'me U tseba pelo ea ka. Ka hona... 'me ke a... Ho malimabe 'na ha ke sa e etse. 'Me ke—ke tšoanelo ho e etsa, Morena. Ka hona ke rapela joale hore batho ba utloisisang Lentsoe ba utloisise ka ho hlaka, 'me ke khotsoe ruri hobane bao U ba bileletseng Bophelong ba tla khona, hore ha se letho lekhale haese pelo e tletseng lerato ho Molimo le Kereke ea Oona ha ke rapelisia lintho tsena.

²⁹⁹ Ntate, bonneteng letsoho ka leng ka mona le ile la phahamela lebollo, ho pongoa mesaletsa eohle e sa lokelang mono. Molimo, re thusen bohole. Ke ema le bona hantle, Morena. Ke e mong oa bona, ke lebeletse ho fihla ha letsatsi leo la Lilemo tse Sekete tsa thabo mohla sebe le masoabi li tla falatsoa kamehla. 'Me, Ntate, ha re sa le lefatšeng lena re a tseba hore re ka etsa lintho tsena, re ka etsa liphoso, re ka etsa sebe, re sa ntse re tsamaea, 'me koana

ha re lakatse ho se etsa. Joalokaha Bibebe e boletse, "Le se ke la tepella ha le lauoa." Empa ke a rapela, Ntate, hore taeo ea Lentsoe e ntlhabé ka thata joalokaha e hlabá ba bang bohle. 'Me ke a rapela, Ntate, hore ba tle ba e utloisise ka mokhoa oo.

³⁰⁰ Ke U rapela ho ba hlohonolofatsa joale. 'Me taba ena, joalekaha re rapetse pele, Morena, ho tseba le ho ela hloko seo re se kopang, hobane ha re batle ho kopa ka phoso, ha re batle ho kopa ntho ea ho qapa mantsoe feela, hoba re bua le Uena.

³⁰¹ Ke U kopa ho hlohonolofatsa moenanyana oa rona mona ea mpuletseng monyako ho kena bosuing bona. Ke U rapela ho hlohonolofatsa kereke ea hae 'me setho se seng le se seng sa hae, Morena, feela... Ena e ke e be ntlu-leseli, nqalo eo lineo tsa Molimo li phallang le ntho e 'ngoe le e 'ngoe e tsamaea ka thello feela.

³⁰² Hlohonolofatsa moreri e mong le e mong ea lutseng mona, likereke tsa bona. 'Me t̄sisinyeho e be kaalo, kapa mohosoa sefateng sa monokotšoai, oa Moea oa Molimo o haolang Phoenix, ho kenya likereke botsoalleng le—le tsoseletsong e kholo, hoo bareri ba tla sitoia ho rera, ka lebaka la Khanya ea Molimo; empa e tle re ha bahalaleli ba phutheha hoseng haholo hosasa, lillo, le thapelo, le ho bopaki le melaetsa, t̄sloho ea makhonthe feela ea Moea, motse 'ohle o tle o hoheloe ho tla, ho mamela. Aba sena hona joale.

³⁰³ Folisa bakuli ba hara rona, Morena. Ba abele topollo e Halalelang, Ntate, ka Lebitso la Jesu Kreste.

³⁰⁴ Joale ka lihloho tsa rona tse inamisitsoeng, e mong ha a le teng mona a lakatsa ho ema aletareng hona joale, 'me re sa inamisitse lihloho tsa rona, re tla bina sefelanyana feela, e—e—e sefelanyana se monate, sa khale sa Evangelii. 'Me re batla ho se binela ka marameng. 'Me ha re etsa, motho ha a lakatsa hore re mo rapelle, nqa e—e boiphihlelo bo tebileng, ho amohela Moea o Halalelang, kapa u bolokehile feela u eso halaletsoe, kapa e ka ba eng, re tla thabela ho etsa hoo re sa binela sefela sena ka marameng, *Ke A Mo Rata*. 'Me haeba le Mo rata, ha re hlompheng Lentsoe la Oona joale.

Ke a Mo rata, ke a Mo rata
Hoba A nthatile pele
Le ho lefella poloko ea ka
Fateng sa Kalvari.

³⁰⁵ E re ba sa tla, ke batla hore e mong le e mong a nke malulo a hae mona joale. Ho lokile, kgaitse.

...Mo rata, ke a Mo rata
Hoba A...

Tloong joale, le teele aletare hare, lona ba batlang ho tla joale.

. . . pele
 Le ho lefella poloko ea ka
 Holim'a Kalvari . . .

³⁰⁶ Horeng lona likhaitseli tse ling tse meriri e mekhutšoane le sa tle ho itlama ho Molimo? Na le batla ha ke le balla eona Bibeleng? Ho lokile. Na u ke ke oa tla, ho re, "Morena, ke batla ho loka linthong tsohle, 'me ke batla ho qala hantle. 'Me ke batla ho kena tseleng e nepahetseng ke lule teng. Ke til'o itlama ho Uena bosiung bona, Morena. O tla hola ho qala joale ho ea pele"?

³⁰⁷ Bibebe e itse ke lihlong ha monna a holisa moriri oa hae, e ka mosali. Molimo o hlabilo lilekane tse peli, se seng le Adama le se seng le Eva. O ile a ba apesa ka ho fapano. Ba fapano, ka botlalo. Haesale ba fapano. Ho fumanoa lilekane tse peli hantle ho theosa le Bibebe. Ke rata ho rera ka selekane seo se menahaneng habeli bosiung bo bong, ka mohla o mong, ho le bontša phapang. Oh, khele, ke ntho e babatsehang. Esita e hlaha kahara khang ea lona ea lenyalo le hlalo, holane feela le tsebile 'nete ea eona, e ne e ka rarolla bothata bohole. Ke hantle. Ho lokile, hape joale, re sa etsa bonneta joale. Tloong, na le ke ke la etsa joalo?

Ke a Mo rata, . . .

U hloka Moea o Halalelang? Nyoloha, ema ka mathoko.

Hoba A nthatile pele
 Le . . .

U batla ho tsamaea haufi le Eena? Tloong, le etse kano, le eme pela Hae le e phethise. Ho ke ke ha thusa letho ho itlama u sa bo phethise.

Mane . . .

U ka tla oa itlama. Molimo o tlameha ho e phethisa. U mpe u tšoare boitlamo ba hau.

³⁰⁸ Joale ke tlio kopa baena beso bareri ho theohela ka mona, ho ema le teetse batho bana ba khabane hare re sa rapela hantle hona mona, ho bua le e mong le e mong, ho ba botsa litlhoko tsa bona joale re sa le mona.

³⁰⁹ E mong le e mong a apare hlompho ka bokhoni ba hae. Joale, Molimo o tla le hlompho, le mpe le apare hlompho ea sebele ho fihlela thapelo ena e entsoe. Le ka pota la tla hona joale, ka mona, ka mathoko, holimo le ka mora batho bana ba emeng mona ho rapelloa.

Sefateng sa Kalvari.

³¹⁰ Joale hape, bareri ba sa ntse ba phutheha mahlakore a mabeli.

Ke a Mo rata, ke . . .

Ke rata ho bona seo, bareri ba mekhatlo e fapaneng, bohole ka bonngoe joale; mono ke tlas'a Mali.

Hoba A nthatile pele
 Le ho lefella poloko ea ka
 Sefateng sa Kalvari. (Khele!)

³¹¹ Joale nyolohang, baenna beso, atamela mohaeno ea emeng pel'a hau, beha letsoho la hau holim'a bona u ba botse seo ba se batlang ho Molimo. Ena ke nako e babatsehang? Le a tseba, ha ke bona sena, shebang mona, balisa ba likereke tse fapaneng, ba eme 'moho. Likhaiseli tse neng li robetse mealong li tsohile, ba tsoile, ba tlohile. Ho bokoe Morena. Ke leboha hoo haholo, ho ema ka Lebitso la Morena.

³¹² Joale, ha letšoelé joale, bohole ba inamise hlooho. E mong le e mong oa lona joale, ka pelong ea hae, bua feela le Molimo se ka u ka bua le 'na; joaloka ha u ka tla oa re, "Moena Branham, ke—ke . . ." Haeba u sitiloe, ho re, "Ke masoabi, Moena Branham. Ke—ke sitiloe ka sena, u tla ntšoarela sona? Ke a u tsepisa, Moena Branham, ha ke sa tla u sitela hape." Joale e fetole feela ho tsoa lebitsong la ka, ho tsoa ho 'na, ho ea ho Morena oa hau Jesu Kreste.

³¹³ 'Me ha u hloka pholiso, joaloka ha u ka fihla ho re, "Moena Branham, ke—ke chonne, Ha ke a ja sophoro phirimana ena, 'me, yaa, ke a tseba holane u na le dolara u ka mpha." Joale, le a bona, ha u a tlameha ho rialo ho Molimo, "Ha U fela u ruile matla a folisang." O na le oona, le a bona. U ka tlameha ho rialo ho 'na, "Haeba u e tšoere." Empa ho Oona ha u hloke ho re, "Haeba U na le eona." O e ruile! Le a bona? Ka hona u re, ntho e kang, "Moena Branham, na u ka mpha dolara? Ke—ke—ke hloka lijo." Khele, ehlide nka etsa joalo, u a tseba. Holane ke e tšoere nka u fa eona, nako efe. Ekabe'ba pelo ea ka e mpe ho se etse joalo. 'Me 'na, monna ea khopo, oa moetsalibe, ha nka baa pelonolo hakaalo mothong ea kang uena, ebe Molimo e ka ba eng?

³¹⁴ "Ekare lona ba lonya le tseba ho fana ka lineo tse molemo, hakakang Ntata lona ea Lehelimong o tla neha ba O kopang, Moea." "Ekareha le kopa hlapi, na A ka le fa noha? Le kopa bohobe, na A ka le fa lejoe?" Ruri ha ho joalo!

³¹⁵ Khele, ha u ka Mo kopa feela ka mokhoa oo, ka tumelo, ka ho lumela hoo, u tla e fumana ho Eena ka potlako makhetlo a milione ho feta kamoo u ka fumanang letho ho 'na. 'Me u a tseba nka u thusa, nka etsa sohle seo nka se khonang. Mang oa baena bana a ka etsa joalo, re ka hotolla cheletana efe khetsing ea rōna ho u thusa. Re ka etsa hohle hoo re ho khonang. Empa ena ke taba eo u tlamang ho e lumela ka tumelo.

³¹⁶ Joale, le lumele hoba le tla e fumana re sa rapela, le lona le rapele, le letšoelé le rapele, 'me ke lumela Molimo o tla theoha le ho hlompha thapelo ea rona. 'Me motsolso ha u utloa hore u E fumane, hore Molimo o tla araba thapelo ea hau, u etse selekane, "Morena, ke sitiloe, ha ke sa tla hlola. Ke tla phahamisa letsoho la ka, ke a U tsepisa ha ke sa tla phetha," Molimo o tla u nka

lentsoeng la hau. 'Me u e lumele ka mokhoa oo feela 'me tsohle li tla fela. U ntoo phahamisa matsoho a hau feela le ho Mo leboha, "Morena, ke entse kano ea ka. 'Me ke a tseba hore ke ea Hau, 'me U tsepisitse ho e araba, 'me U ke ke oa hlolleha."

³¹⁷ Ntate ea Leholimong, rona, bahlanka ba Hau, re okametse sehlopha sena se tlileng kapele se hloka mahlohonolo a Hau le tlhokomelo ea Hau nakong ena. Ntate, ke likhau tsa Molaetsa, nako ea Leseli la mantsiboea. Ba bangata ba bona, Morena, ba ntse ba ipolela. Ba bang ba bona ba hloka ba tiile. Ke a rapela, Molimo, ka Lebitso la Jesu U se ke ua furalla le a mong oa bona, hoba U tla boloka Lentsoe la Hau. Ke boela ke U hopotsa Lentsoe la Hau, Morena, joalokaha Petrose le barutuo mohla ba rapetseng ho Liketso 4, ba itse, "Morena, hopola Lentsoe! Hobane'ng baetsalibe ba luma-luma le batho ba hopola ntho ea lefeela?"

³¹⁸ Joale, Ntate, re tlisa Lentsoe la Hau. U itse, "Ea lumelang ho 'Na o na le Bophelo ba ka mehla. Ea tlang ho 'Na nke ke Ka mo lahlela kantle. Ea utloang Mantsoe a Ka 'me a lumela ho Ea Nthomileng o na le Bophelo Bosafeleng, 'me a ke ke a tla Kahlolong empa o tlohile lefung ho kena Bophelong."

³¹⁹ Oh, ho tsebisa Molimo likopo tsa rona, 'me O tla re araba. Ka ho khaphatseha O a . . . "Ea bolelang libe tsa hae o tla li tšoareloa. Ea patang sebe sa hae a ke ke a atleha." 'Me re ipolela liphoso tsa rona. Ke ipolela melato ea batho. Ke ipolela liphoso tsa ka. Ke kopa mohau. Ke kopa pholiso. Ke kopa lereko. Ke U kopa ho tšollela Moea o Halalelang, Morena, hantle hona joale holim'a batho bana ba letileng, hore maphelo a bona a tle a fetuhe kahara sebopelo sa Molimo, le bo bōptjoa ka setšoantšo sa Mora oa Molimo, hore Moea o Mo phelisitseng, o tle o kene 'meleng ea bona le ho ba etsa bara le barali ba Molimo. Aba sena, Morena.

³²⁰ Re lumela U teng mona. Re a lumela U tla hlompha Lentsoe la Hau. Re lumela hoba U tla hlompha maikitlaetso a Lentsoe. Joale romela mahlohonolo ana holim'a batho bana ba sa emetse Boteng ba Hau ho ba etela mona aletareng. Ka Lebitso la Jesu.

³²¹ Joale, ha u lumela, 'me u lumela hoba u e amohetse, phahamisetsa letsoho la hau ho Molimo. Haeba u e amohela e le thapelo ea tumelo hape le kano ea hau joale u sa retelehela ho Molimo, phahamisa matsoho a hau.

³²² 'Me bamameli baeme. E mong le e mong, ema, ea batlang ho itlama ho Molimo, joale le ho re, "Ke a Le lumela. Ke a Le amohela. Ke a Le lumela."

³²³ Joale phahamisang matsoho a lona 'me le ise thoriso ho Eena 'me tsohle li tla fela. Khanya ho Molimo! Ke a U leboha, Morena Jesu, ka molemo oa Hau le mohau oa Hau, le ka tsohle tseo U re etselitseng tsona, Morena. Re U fa thoriso ka Jesu Kreste. 

LENQOSA LA MANTSIBOEA SST63-0116
(The Evening Messenger)

Molaetsa wona, ka Moena William Marrion Branham, o rerilwe sethatong ka Senyesemane Laboraro mantsiboya, Pherekong 16, 1963, mane Pentecostal Church Of God, Mesa, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org